



An Bhruiséal, 22 Meitheamh 2023
(OR. en)

10872/23

**Comhad Idirinstitiúideach:
2023/0076(COD)**

**ENER 378
ENV 720
CLIMA 316
COMPET 647
CONSOM 245
FISC 138
CODEC 1172**

TORADH NA hIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	10605/23
Uimh. an doic. ón gCoim.:	7435/23 + ADD 1
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE lena leasaítear Rialacháin (AE) Uimh. 1227/2011 agus (AE) 2019/942 chun feabhas a chur ar chosaint an Aontais ar chúbláil mhargaidh sa mhargadh mórdhíola fuinnimh - Cur chuige ginearálta

Gheobhaidh na toscaireachtaí, san iarscríbhinn a ghabhann leis seo, cur chuige ginearálta na Comhairle maidir leis an togra thuasluaite mar a ghlac an Chomhairle (Iompar, Teileachumarsáid agus Fuinneamh) é ag an gcruinniú a bhí aici an 19 Meitheamh 2023.

Bunaítear leis an gcur chuige ginearálta seasamh sealadach na Comhairle maidir leis an togra seo, agus is é atá mar bhonn don ullmhúchán don chaibidlíocht le Parlaimint na hEorpa.

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena leasaítear Rialacháin (AE) Uimh. 1227/2011 agus (AE) 2019/942 chun feabhas a chur ar chosaint an Aontais ar chúbláil margaidh sa mhargadh mórdhíola fuinnimh

(Téacs atá ábhartha maidir le LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 194(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa,

Ag féachaint don tuairim ó Choiste na Réigiún,

Ag gníomhú dóibh i gcomhréir leis an ngnáthnós imeachta reachtach,

De bharr an mhéid seo a leanas:

- (1) Teastaíonn sláine agus trédhearcacht na margaí mórdhíola fuinnimh chun iomaíocht oscailte chóir a áirithiú sna margaí inmheánacha leictreachais agus gás agus chun cothrom iomaíochta a áirithiú do rannpháirtithe sa mhargadh. Le Rialachán (AE) Uimh. 1227/2011 ó Pharlaimint na hEorpa agus ón gComhairle, bunaítear creat cuimsitheach ('REMIT') chun an cuspóir sin a bhaint amach. Chun feabhas a chur ar mhuinín an phobail as margaí fuinnimh feidhmiúla agus chun an tAontas a chosaint go héifeachtach ar iarrachtaí ar chúbláil margaidh, ba cheart Rialachán (AE) Uimh. 1227/2011 a leasú chun trédhearcacht [...] **a áirithiú** agus acmhainneachtaí faireacháin **a mhéadú** a thuilleadh agus, chomh maith leis sin, chun a áirithiú go ndéanfar imscrúdú agus forfheidhmiú níos éifeachtaí ar chásanna féideartha de mhí-úsáid trasteorann an mhargaidh, agus aghaidh á tabhairt ar na heasnaimh a shainaithnítear sa chreat reatha.

- (2) Tá tábhacht mhéadaitheach le hionstraimí airgeadais, lena n-áirítear díorthaigh fuinnimh, a thrádáiltear ar mhargaí fuinnimh. Mar gheall ar an idirghaol idir margáí airgeadais agus margáí mórdhíola fuinnimh atá ag éirí níos dlúithe, ba cheart Rialachán (AE) Uimh. 1227/2011 a ailíniú níos fearr le reachtaíocht an mhargaidh airgeadais, mar shampla, Rialachán (AE) Uimh. 596/2014 ó Pharlaimint na hEorpa agus ón gComhairle¹, lena n-áirítear é sin a dhéanamh maidir leis na sainmhínithe ar chúbláil margaidh agus ar fhaisnéis ón taobh istigh faoi seach. **Dá réir sin,** [...] ba cheart an sainmhíniú ar chúbláil margaidh i Rialachán (AE) Uimh. 1227/2011 [...] a choigeartú chun go mbeidh sé **i gcomhréir le** [...] hAirteagal 12 de Rialachán (AE) Uimh. 596/2014. Chuige sin, ba cheart an sainmhíniú ar chúbláil margaidh faoi Rialachán (AE) Uimh. 1227/2011 a choigeartú ní hamháin chun aon idirbheart a dhéantar a chumhdach, nó chun aon ordú trádála a eisiatar a chumhdach, ach chun aon iompraíocht eile a bhaineann le táirgí mórdhíola fuinnimh a chumhdach freisin, ar iompraíocht í: (i) lena ndéantar, nó ar dóigh dó, comharthaí bréagacha nó míthreoracha a thabhairt maidir le soláthar táirgí mórdhíola fuinnimh nó maidir leis an éileamh nó leis an bpraghas atá orthu; (ii) lena ndéanann duine, nó daoine ag gníomhú i gcomhar le chéile, a chur faoi deara go mbeadh an praghas atá ar tháirge mórdhíola fuinnimh amháin nó níos mó ar leibhéal saorga, nó (iii) lena n-úsáidtear seift shamhailteach nó aon chineál eile meabhlaireachta nó saorgachta, ar ní é ar dóigh dó comharthaí bréagacha nó míthreoracha a thabhairt maidir le soláthar táirgí mórdhíola fuinnimh nó maidir leis an éileamh nó leis an bpraghas atá orthu. **I ndáil leis sin, ag féachaint don ailíniú le Rialachán (AE) Uimh. 596/2014, ba cheart go n-áireofaí i gcoincheap aon iompraíochta eile, gníomhaíochtaí amhail stuáil luachana, péinteáil na téipe, cruthú praghasghluaiseachta, ach níor cheart dó a bheith teoranta don mhéid sin.**

¹ Rialachán (AE) Uimh. 596/2014 ó Pharlaimint na hEorpa agus ón gComhairle an 16 Aibreán 2014 maidir le drochúsáid mhargaidh (an rialachán maidir le drochúsáid mhargaidh) agus lena n-aisghairtear Treoir 2003/6/CE ó Pharlaimint na hEorpa agus ón gComhairle agus Treoracha 2003/124/CE, 2003/125/CE agus 2004/72/CE ón gCoimisiún (IO L 173, 12.6.2014, lch. 1).

- (3) Ba cheart an sainmhíniú ar fhaisnéis ón taobh istigh a choigeartú freisin chun go mbeidh sé [...] **i gcomhréir le** Rialachán (AE) 596/2014. Nuair a bhaineann faisnéis ón taobh istigh le próiseas a tharlaíonn ina chéimeanna, go háirithe, d'fhéadfadh faisnéis ón taobh istigh a bheith i gceist le gach céim den phróiseas chomh maith leis an bpróiseas foriomlán. Féadfaidh gurb ionann céim idirmheánach i bpróiseas fadálach ann féin agus sraith imthosca nó teagmhas atá ann nó a bhfuil ionchas réalaíoch ann go dtiocfadh ann dóibh nó go dtarlóidh siad, ar bhonn measúnú foriomlán ar na fachtóirí atá ann cheana féin ag an am ábhartha. Níor cheart an coincheap sin a léirmhíniú mar ní a chiallaíonn go gcaithfear méid éifeacht na sraithe imthosca sin nó an teagmhais sin ar phraghsanna **na dtáirgí mórdhíola fuinnimh** [...] lena mbaineann a chur san áireamh. Maidir le céim idirmheánach, ba cheart a mheas gur faisnéis ón taobh istigh í má chomhlíonann sí, uaithi féin, na critéir a leagtar síos sa Rialachán seo maidir le faisnéis ón taobh istigh.
- (4) Tá an Rialachán seo gan dochar do Rialacháin (AE) 596/2014, 600/2014 agus 648/2012, agus tá sé gan dochar do Threoir (AE) 2014/65 chomh maith le cur i bhfeidhm dhlí iomaíochta an **Aontais** [...] maidir leis na cleachtais a chumhdaítear leis an Rialachán seo.
- (5) Is gné lárnach den chomhar agus de bhrath sáruithe féideartha sna margaí mórdhíola fuinnimh agus sna margaí airgeadais araon é faisnéis a roinnt idir na húdaráis rialála náisiúnta agus na húdaráis airgeadais inniúla náisiúnta. I bhfianaise an mhalartaithe faisnéise idir údaráis inniúla de bhun Rialachán (AE) 596/2014 ar an leibhéal náisiúnta, ba cheart do na húdaráis rialála náisiúnta faisnéis ábhartha a fhaigheann siad a roinnt le húdaráis náisiúnta airgeadais agus iomaíochta.

- (6) I gcás nach bhfuil faisnéis íogair ó thaobh na tráchtála nó na slándála de, nó nach bhfuil an fhaisnéis sin íogair a thuilleadh, ba cheart an Ghníomhaireacht um Chomhar idir Rialálaithe Fuinnimh ('an Ghníomhaireacht' nó 'ACER') a bheith in ann an fhaisnéis sin a chur ar fáil do rannpháirtithe sa mhargadh agus don phobal i gcoitinne d'fhonn rannchuidiú a dhéanamh maidir le heolas feabhsaithe ar an margadh. Ba cheart a áirithiú leis sin an fhéidearthacht **don Ghníomhaireacht** [...] faisnéis **chomhiomlánaithe** a fhoilsiú maidir le margaí eagraithe, IIPanna agus RRManna **i gcomhréir leis na** [...] dlíthe is infheidhme maidir le cosaint sonraí ar mhaithe le feabhas a chur ar thrédhearcacht na margaí mórdhíola fuinnimh agus ar choinníoll nach ndéanfaidh sé saobhadh ar an iomaíocht sna margaí fuinnimh sin.
- (7) Margaí eagraithe a dhéanann gníomhaíochtaí a bhaineann le trádáil táirgí mórdhíola fuinnimh ar ionstraimí airgeadais iad faoi Airteagal 4(1)(15) de Threoir (AE) 2014/65, **ba cheart** iad a údarú [...] go cuí de bhun cheanglais na Treorach sin.
- (8) Tháinig forbairt mhór ar úsáid na teicneolaíochta trádála le 10 mbliana anuas agus tá níos mó úsáide á baint aisti ar na margaí mórdhíola fuinnimh. Úsáideann go leor rannpháirtithe sa mhargadh trádáil algartamach agus teicnící algartamacha ardmhinicíochta le hidirghabháil íosta dhaonna nó gan aon idirghabháil dhaonna. Ba cheart aghaidh a thabhairt ar na rioscaí a eascraíonn as na cleachtais sin faoi Rialachán (AE) Uimh. 1227/2011.
- (9) Tá comhlíonadh na n-oibleagáidí tuairiscithe faoi Rialachán (AE) Uimh. 1227/2011 agus cáilíocht na sonraí a fhaigheann an Ghníomhaireacht rithábhachtach chun faireachán éifeachtach ar sháruithe féideartha agus a mbrath éifeachtach a áirithiú chun cuspóir Rialachán (AE) Uimh. 1227/2011 a bhaint amach. Tá éifeacht **dhiúltach** [...] ag neamhréireachtaí maidir le cáilíocht, formáidiú, iontaofacht agus costas sonraí trádála ar thrédhearcacht, cosaint tomhaltóirí agus éifeachtúlacht an mhargaidh. Tá sé fíor-riachtanach go mbeidh an fhaisnéis a gheobhaidh an Ghníomhaireacht cruinn agus iomlán ionas go bhféadfaidh sí a cuid cúraimí agus feidhmeanna a dhéanamh go héifeachtach.

- (10) Chun feabhas a chur ar fhaireachán margaidh na Gníomhaireachta agus bailiú sonraí a dhéanamh níos iomláine, ní mór feabhas a chur ar an gcóras tuairiscithe atá ann faoi láthair. Ba cheart na sonraí a bhailítear a leathnú chun bearnaí i mbailiú sonraí a sháru agus chun margáí cúpláilte, margáí nua cothromúcháin, conarthaí le haghaidh [...] margáí cothromúcháin agus táirgí a d'fhéadfadh a bheith insoláthartha san Aontas a chuimsiú. Ba cheart é a bheith de cheangal ar mhargáí eagraithe sonraí a bhaineann le [...] leabhar na n-orduithe [...] a chur ar fáil don Ghníomhaireacht nó, arna iarraidh sin, rochtain ar an leabhar orduithe a thabhairt don Ghníomhaireacht [...]. Ba cheart soláthraithe leabhar orduithe a ainmniú freisin mar dhaoine a shocraíonn idirbhearta go gairmiúil faoi réir na hoibleagáide faireachán agus tuairisciú a dhéanamh ar sháruithe amhrasta.
- (10a) Ba cheart oibleagáidí rannpháirtithe sa mhargadh maidir le tuairisciú a íoslaghdú tríd an bhfaisnéis a cheanglaítear a thabhairt, nó codanna di, a bhailiú ó fhoinsí atá ann cheana i gcás inar féidir. Níl rannpháirtithe sa mhargadh in ann sonraí maidir le margadh eagraithe a thaifeadadh agus a thuairisciú gan stró, dá bhrí sin ba cheart do na margáí eagraithe ábhartha nó do thríú páirtithe atá ag gníomhú thar a gceann sonraí maidir le margáí eagraithe a chur ar fáil don Ghníomhaireacht.
- (10b) Aon phróiseáil a dhéantar ar shonraí pearsanta faoi chuimsiú an Rialacháin seo, mar shampla, malartú nó tarchur sonraí pearsanta idir údaráis náisiúnta ábhartha agus tuairisciú na n-údarás rialála náisiúnta, ba cheart í a dhéanamh i gcomhréir le Rialachán (AE) 2016/679 ó Pharlaimint na hEorpa agus ón gComhairle, agus ba cheart aon mhalartú nó tarchur faisnéise a dhéanann an Ghníomhaireacht a dhéanamh i gcomhréir le Rialachán (AE) 2018/1725 ó Pharlaimint na hEorpa agus ón gComhairle.

- (11) Ba cheart ról tábhachtach a bheith ag na hArdáin um Fhaisnéis ón Taobh Istigh (IIPanna) maidir le faisnéis ón taobh istigh a **nochtadh** [...] go héifeachtach. Ba cheart é a bheith sainordaitheach faisnéis ón taobh istigh maidir le IIPanna tiomnaithe a nochtadh chun an fhaisnéis a dhéanamh inrochtana go héasca agus chun feabhas a chur ar thrédhearcacht. Chun muinín as IIPanna a áirithiú, ba cheart iad a údarú agus a chlárú. **Ba cheart an chumhacht a bheith ag an nGníomhaireacht an t-údarú sin a tharraingt siar i gcásanna áirithe, agus urraim á tabhairt ag an am céanna do na coimircí nós imeachta de bhun Airteagail 14(6) go (8) de Rialachán (AE) 2019/942. Níor cheart go gcuirfeadh tarraingt siar údaraithe cosc ar eintiteas iarratas a dhéanamh ar údarú nua mar IIP leis an nGníomhaireacht.**
- (12) Chun tuairisciú sonraí chuig an nGníomhaireacht a chuíchóiriú agus a dhéanamh níos éifeachtaí, ba cheart an fhaisnéis a sholáthar trí Shásraí Tuairiscithe Cláraithe (RRManna) agus ba cheart don Gníomhaireacht oibriú RRManna a údarú, **mar a dhéantar cheana féin de bhun Airteagal 11 de Rialachán Cur Chun Feidhme (AE) Uimh. 1348/2014 ón gCoimisiún**. Ba cheart do [...] RRManna, **lena n-áirítear iad siúd arna n-údarú ag an nGníomhaireacht faoin Rialachán Cur Chun Feidhme sin,** [...] na coinníollacha maidir le húdarú agus an dlí cosanta sonraí a chomhlíonadh. Ba cheart don Gníomhaireacht [...] clár **a choinneáil de na RRManna uile atá údaraithe aici** [...]. **Ba cheart é a bheith de chumhacht ag an nGníomhaireacht údarú den sórt sin a tharraingt siar i gcásanna áirithe, agus na coimircí nós imeachta á n-urramú ag an am céanna de bhun Airteagail 14(6) go dtí (8) de Rialachán (AE) 2019/942. Níor cheart go gcuirfeadh tarraingt siar údaraithe cosc ar eintiteas iarratas a dhéanamh ar údarú nua mar RRM leis an nGníomhaireacht.**
- (13) Chun faireachán a éascú chun trádáil fhéideartha a bhrath ar bhonn na faisnéise ón taobh istigh [...], ní mór bailiú faisnéise ón taobh istigh a ailíniú leis na próisis reatha chun sonraí trádála a thuairisciú.

- (14) Tá sé d'oibleagáid ar dhaoine a shocraíonn agus a fhorghníomhaíonn idirbhearta go gairmiúil idirbhearta amhrasacha a thuairisciú de shárú ar na forálacha maidir le trádáil chos istigh agus cúbláil margaidh. Chun feabhas a chur ar an bhféidearthacht na sáruithe sin a fhorfheidhmiú, ba cheart an oibleagáid a bheith ar na daoine a shocraíonn idirbhearta go gairmiúil tuairisc a thabhairt ar orduithe amhrasacha agus sáruithe féideartha ar an oibleagáid faisnéis ón taobh istigh a fhoilsiú freisin. Ba cheart a mheas gur daoine a shocraíonn idirbhearta go gairmiúil iad soláthraithe rochtana leictreonaí díri agus soláthraithe leabhar orduithe [...].
- (15) Le Rialachán (AE) 2015/1222 ón gCoimisiún lena mbunaítear treoirlíne maidir le leithdháileadh acmhainneachta agus bainistiú ar phlódú, foráiltear go bhféadfadh tríú tír a bheith rannpháirteach i gcúpláil amháin lá roimh ré agus i gcúpláil amháin ionlae san Aontas in earnáil an leictreachais. Ós rud é go n-úsáideann an t-oibreoir cúplála margaidh algartam sonrach chun tairiscintí ceannaigh agus tairiscintí díola a mheaitseáil ar an mbealach is fearr, d'fhéadfadh sé a bheith mar thoradh air sin go ndéanfaí orduithe chun trádáil a dhéanamh i dtríú tír atá rannpháirteach i gcúpláil amháin lá roimh ré agus i gcúpláil amháin ionlae san Aontas ach go mbeadh Conradh maidir le soláthar leictreachais agus seachadadh san Aontas mar thoradh air sin. Maidir le horduithe den sórt sin chun trádáil a dhéanamh i dtríú tíortha atá rannpháirteach i gcúpláil amháin lá roimh ré agus cúpláil amháin ionlae san Aontas a bhféadfadh seachadadh san Aontas a bheith mar thoradh orthu, ba cheart iad a chumhdach leis an sainmhíniú ar tháirge mórdhíola fuinnimh de bhun an Rialacháin seo.

- (16) Chun measúnú cruinn oibiachtúil iontaofa a fháil ar phraghas sheachadtaí GNL chuig an Aontas, ba cheart don Ghníomhaireacht na sonraí margaidh GNL uile a bhailiú a bhfuil gá leo chun measúnú laethúil ar phraghas GNL a bhunú. Ba cheart an measúnú ar phraghsanna a dhéanamh ar bhonn gach idirbhirt a bhaineann le seachadtaí GNL chuig an Aontas. Ba cheart **an Ghníomhaireacht** [...] a chumhachtú chun na sonraí margaidh sin a bhailiú ó na rannpháirtithe go léir atá gníomhach i seachadtaí GNL chuig an Aontas. Ba cheart oibleagáid a bheith ar gach rannpháirtí den sórt sin a gcuid sonraí margaidh GNL uile a thuairisciú **don Ghníomhaireacht** [...] chomh gar d'fhíor-am agus is féidir ó thaobh na teicneolaíochta de, tar éis idirbheart a chur i gcrích nó tar éis tairiscint cheannaigh nó tairiscint díola a phostú chun idirbheart a dhéanamh. Ba cheart an tacar sonraí is iomláine lena n-áirítear pragsanna idirbheart agus, [...] pragsanna tairisceana ceannaigh agus pragsanna tairisceana díola ar sheachadtaí GNL chuig an Aontas a chuimsiú sa measúnú ón **nGníomhaireacht** [...] ar phraghsanna. Le foilsiú laethúil an mheasúnaithe oibiachtúil sin ar phraghsanna, agus an raon difríochta arna bhunú i gcomparáid le pragsanna tagartha eile ar an margadh i bhfoirm thagarmharc GNL, réitítear an bealach do rannpháirtithe sa mhargadh an measúnú a ghlacadh go deonach mar an praghas tagartha ina gconarthaí agus ina n-idirbhearta. Nuair a bhunófar é, d'fhéadfadh measúnú GNL ar phraghsanna agus tagarmharc GNL a bheith ina ráta tagartha le haghaidh conarthaí díorthach a úsáidtear chun praghas GNL nó an difríocht sa phraghas idir praghas GNL agus pragsanna gáis eile a fhálú.
- (17) D'fhéadfadh tarmligean cúraimí agus freagrachtaí a bheith ina ionstraim éifeachtach chun dubailt cúraimí a laghdú, comhar a chothú agus an t-ualach a chuirtear ar rannpháirtithe sa mhargadh a laghdú. Dá bhrí sin, ba cheart bunús dlí soiléir a sholáthar maidir leis an tarmligean sin. Ba cheart na húdaráis rialála náisiúnta a bheith in ann cúraimí agus freagrachtaí a tharmligean chuig údarás rialála náisiúnta eile. **Ba cheart na húdaráis rialála náisiúnta a bheith in ann** [...] coinníollacha sonracha a thabhairt isteach [...] agus raon feidhme [...] an tarmligin **a** theorannú [...] don mhéid is gá chun maoirseacht éifeachtach a dhéanamh ar rannpháirtithe nó ar ghrúpaí trasteorann sa mhargadh [...]. Ba cheart na toscaireachtaí a rialú tríd an bprionsabal inniúlacht a leithdháileadh ar an údarás is fearr atá in ann gníomhú ar an ábhar.

- (18) Tá gá le creat aonfhoirmeach agus níos láidre chun cúbláil margaidh agus sáruithe eile ar Rialachán (AE) Uimh. 1227/2011 a chosc sna Ballstáit. **Chun a áirithiú go gcuirfear fíneálacha riaracháin i bhfeidhm go comhsheasmhach ar fud na mBallstát mar gheall ar sháruithe ar an Rialachán sin, ba cheart dó foráil a dhéanamh maidir le liosta d'fhíneálacha riaracháin agus de bhearta riaracháin ba cheart a bheith ar fáil do na húdaráis rialála náisiúnta agus do liosta critéar chun leibhéal na bhfíneálacha riaracháin sin a chinneadh agus do leibhéal na bhfíneálacha riaracháin sin. Go háirithe, ba cheart méid iarbhir na bhfíneálacha atá le forchur i gcás sonrach a bheith in ann an t-uasleibhéal dá bhforáiltear sa Rialachán seo a bhaint amach. Mar sin féin, ní chuireann an Rialachán seo teorainn le cumas na mBallstát foráil a dhéanamh d'fhíneálacha níos ísle de réir an cháis.** Ba cheart fíneálacha as sáruithe ar an Rialachán sin a bheith comhréireach, éifeachtach agus athchomhairleach agus ba cheart dóibh cineál na sáruithe a léiriú, agus an prionsabal *ne bis in idem* á chur san áireamh. **Agus fíneálacha riaracháin á nglacadh agus á bhfoilsíú, ba cheart cearta bunúsacha a urramú mar a leagtar síos i gCairt um Chearta Bunúsacha an Aontais Eorpaigh.** Is codanna comhlántacha de chóras forfheidhmiúcháin éifeachtach iad **bearta** [...] riaracháin, **fíneálacha riaracháin** [...] agus bearta maoirseachta. Tá gá le cur chuige comhsheasmhach i measc na n-údarás rialála náisiúnta chun maoirseacht chomhchuibhithe a dhéanamh ar an margadh mórdhíola fuinnimh.

(18a) I gcás ina bhfuil rannpháirtí sa mhargadh, nach bhfuil cónaí air san Aontas nó nach bhfuil bunaithe ann, gníomhach san Aontas, ba cheart dó ionadaí a ainmniú san Aontas. Ainmneofar an t-ionadaí go sainráite le sainordú i scríbhinn ón rannpháirtí margaidh lena n-údarófar an duine sin le gníomhú thar a cheann. Ba cheart do na húdaráis inniúla a bheith in ann dul i dteagmháil leis an ionadaí maidir leis na hoibleagáidí a leagtar síos sa Rialachán seo.

- (19) Go dtí seo, is iad na Ballstáit a bhí freagrach as maoirseacht agus forfheidhmiú a dhéanamh ar na gníomhaíochtaí faoi Rialachán (AE) Uimh. 1227/2011. Tá méadú de réir a chéile ag teacht ar chineál trasteorann na hiompraíochta a bhaineann le mí-úsáid an mhargaidh, agus is minic a bhíonn tionchar aici ar roinnt Ballstát. Is féidir le gníomhaíocht forfheidhmiúcháin in aghaidh mí-úsáid trasteorann an mhargaidh a bheith ina cúis le dúshlán dhlínsiúla a bhaineann le sainaithint an údaráis rialála náisiúnta arbh fhearr ab fhéidir leanúint den imscrúdú atá i gceist.

- (20) Baineann dúshlán ar leith ó thaobh an fhorfheidhmithe de freisin le cásanna de mhí-úsáid an mhargaidh lena mbaineann an iliomad eilimintí trasteorann agus rannpháirtithe sa mhargadh atá bunaithe lasmuigh den Aontas. Níl an socrú maoirseachta atá ann faoi láthair oiriúnach do chomhtháthú margaidh ar an leibhéal is inmhianaithe. Ní ann do shásra chun na cinntí maoirseachta is fearr is féidir a áirithiú le haghaidh cásanna trasteorann i gcás ina bhfuil gá le socruithe casta faoi láthair chun gníomhaíocht chomhpháirteach na n-údarás rialála náisiúnta agus na Gníomhaireachta a áirithiú agus i gcás ina bhfuil meascán córas maoirseachta ann, agus ní mór aghaidh a thabhairt ar an méid sin. Is gá, dá bhrí sin, córas éifeachtúil agus éifeachtach maoirseachta agus imscrúdaithe a chur ar bun le haghaidh cásanna den chineál sin de mhí-úsáid an mhargaidh, rud nach féidir, mar gheall ar a ghnéithe uile-Aontais, aghaidh a thabhairt air le gníomhaíocht na mBallstát amháin.
- (21) An t-imscrúdú ar shárúithe ar an Rialachán seo a bhfuil gné thrasteorann ag baint leo, ba cheart é a dhéanamh trí phróiseas aonfhoirmeach ar leibhéal an Aontais. Tá gá le rannpháirtíocht na Gníomhaireachta, go háirithe i margadh fuinnimh níos comhtháite, mar gheall ar chastacht na gcásanna trasteorann agus ar an ngá atá le hacmhainní leordhóthanacha a áirithiú do na cásanna sin. Ó tháinig Rialachán (AE) Uimh. 1227/2011 i bhfeidhm, tá taithí nach beag faighte ag an nGníomhaireacht maidir le faireachán a dhéanamh ar na margaí mórdhíola fuinnimh san Aontas agus sonraí ábhartha fúthu a bhailiú chun a sláine agus a dtrédhearcacht a áirithiú. Ar bhonn na taithí sin, ba cheart an Gníomhaireacht a chumhachtú le himscrúduithe a dhéanamh chun sárúithe ar fhorálacha Rialachán (AE) Uimh. 1227/2011 a chomhrac. **Agus a cumhachtaí á bhfeidhmiú aici, ba cheart don Gníomhaireacht tosaíocht a thabhairt, más gá, do na cásanna a bhfuil an tionchar trasteorann is mó acu.** Ba cheart don Gníomhaireacht imscrúduithe den sórt sin a dhéanamh i gcomhar leis na húdaráis rialála náisiúnta chun tacú lena ngníomhaíochtaí forfheidhmithe agus chun iad a chomhlánú. Ar an gcuma chéanna, i gcomhthéacs imscrúdú arna dhéanamh ag an nGníomhaireacht, i gcás inar gá, ba cheart do na húdaráis rialála náisiúnta ábhartha oibriú i gcomhar lena chéile chun cúnamh a thabhairt don Gníomhaireacht.

- (22) Ba cheart an Ghníomhaireacht a chumhachtú le himscrúduithe ar bith is gá a dhéanamh trí chigireachtaí ar an láthair a dhéanamh, agus [...] trí iarrataí ar fhaisnéis a eisiúint trí iarraidh shimplí nó trí chinneadh, chuig na daoine atá faoi imscrúdú[...], [...] i gcás ina bhfuil gné shoiléir thrasteorann ag baint le sáruithe amhrasta ar Rialachán (AE) Uimh. 1227/2011. Chun éifeachtacht na gcigireachtaí ar an láthair a chosaint, ba cheart cumhacht a thabhairt d'oifigigh na Gníomhaireachta agus do dhaoine eile arna n-údarú ag an nGníomhaireacht chun an chigireacht a dhéanamh dul isteach in áitribh ghnó ina bhféadfar taifid ghnó a choinneáil agus, áitribh phríobháideacha stiúrtóirí, bainisteoirí agus baill foirne eile de chuid gnólaigh lena mbaineann imscrúdú. Mar sin féin, ba cheart feidhmiú na cumhachta sin a bheith faoi réir cinneadh réasúnaíthe ón nGníomhaireacht, agus faoi réir údarú roimh ré ó údarás breithiúnach. Agus na cigireachtaí ar an láthair á ndéanamh aici agus iarrataí ar fhaisnéis á n-eisiúint aici chuig na daoine atá faoi imscrúdú, ba cheart don Ghníomhaireacht oibriú i gcomhar go dlúth agus go gníomhach leis na húdaráis rialála náisiúnta ábhartha, agus ba cheart dóibh, ina dhiaidh sin, cúnamh riachtanach [...] a thabhairt don Ghníomhaireacht, lena n-áirítear é sin a dhéanamh i gcás ina ndiúltaíonn duine a bheith faoi réir na cigireachta nó an fhaisnéis a iarraidh a sholáthar. Níor cheart an chumhacht a thabhairt don Ghníomhaireacht fineálacha a eisiúint as faisnéis mhíchruinn, mhícheart nó mhíthreorach a chur isteach, nó as mainneachtain freagra a thabhairt ar iarraidh ar fhaisnéis, beag beann ar cibé acu ar eisíodh nó nár eisíodh an iarraidh sin i bhfoirm [...] iarrata shimplí nó cinnidh. Ba cheart go bhfanfadh na cumhachtaí sin ag an mBallstát nó ag na Ballstáit lena mbaineann agus ag a gcreat(a) reachtach(a) is infheidhme faoi seach. Thairis sin, le linn cigireachta, ba cheart é a bheith de chumhacht ag oifigigh na Gníomhaireachta agus ag daoine eile arna n-údarú ag an nGníomhaireacht an chigireacht a dhéanamh séalaí a ghreamú d'áitreabh gnó ar feadh na tréimhse ama is gá chun an chigireacht a dhéanamh. De ghnáth, níor cheart séalaí a ghreamú ar feadh níos mó ná 72 uair an chloig. Ina theannta sin, ba cheart é a bheith de chumhacht ag na hoifigigh a bhfuil na cigireachtaí á ndéanamh acu aon fhaisnéis atá ábhartha d'ábhar agus do chuspóir na cigireachta a iarraidh. Tá sé tábhachtach go n-urramófar go hiomlán ráthaíochtaí nós imeachta agus cearta bunúsacha [...] na ndaoine atá faoi réir imscrúduithe na Gníomhaireachta. Ba cheart rúndacht na faisnéise arna cur isteach ag na daoine atá faoi réir an imscrúdaithe a choimirceáil agus a mhalartú i gcomhréir le rialacha cosanta sonraí is infheidhme an Aontais. Ag deireadh gach imscrúdaithe, ba cheart don Ghníomhaireacht

tuarascáil imscrúdaithe a eisiúint lena n-áirítear a torthaí agus an fhianaise ar fad ar ar bunaíodh na torthaí sin. Ba cheart an tuarascáil imscrúdaithe a sheoladh chuig údaráis rialála náisiúnta an Bhallstáit nó na mBallstát lena mbaineann, agus ba cheart, dá réir sin, gan dochar dá n-inniúlacht aonair chun a chinneadh ar tharla sárú, aon bhearta forfheidhmiúcháin is gá a dhéanamh, lena n-áirítear, de réir mar is iomchuí, fineálacha a fhorchur, i gcomhréir leis an dlí náisiúnta agus le forálacha an Rialacháin seo.

(22a) Leis an Rialachán seo, urramaítear na cearta bunúsacha agus comhlíontar na prionsabail a aithnítear, go háirithe, le Cairt um Chearta Bunúsacha an Aontais Eorpaigh, go háirithe na cearta maidir le sonraí pearsanta a chosaint, an tsaoirse gnó a sheoladh, an ceart chun leigheas éifeachtach agus triail chóir a fháil, an ceart chun nach ndéanfar duine a thríail ná a phionósú faoi dhó in imeachtaí coiriúla i ngeall ar an gcion coiriúil céanna, agus ní mór é a léirmhíniú agus a chur i bhfeidhm i gcomhréir leis na cearta agus leis na prionsabail sin.

(23) Ós rud é nach féidir leis na Ballstáit cuspóirí an Rialacháin seo, eadhon creat comhchuibhithe a sholáthar chun trédhearcacht agus sláine an mhargaidh mórdhíola fuinnimh a áirithiú, a ghnóthú go leordhóthanach ag feidhmiú ina n-aonar ach, dá bhrí sin, gur fearr is féidir iad a ghnóthú ar leibhéal an Aontais, féadfaidh an tAontas bearta a ghlacadh i gcomhréir le prionsabal na coimhdeachta atá leagtha amach in Airteagal 5 den Chonradh ar an Aontas Eorpach. Ar an gcuma chéanna, is fearr is féidir imscrúduithe faoin Rialachán seo a bhfuil gné thrasteorann ag baint leo a bhaint amach ar leibhéal an Aontais, de réir mar a théann a dtionchar thar chríoch aon Bhallstáit amháin. I gcomhréir le prionsabal na comhréireachta, mar a leagtar amach in [...] Airteagal 5 den Chonradh ar an Aontas Eorpach, ní théann an Rialachán seo thar a bhfuil riachtanach chun an cuspóir a leagtar amach ann [...] a bhaint amach,

TAR ÉIS [...] AN RIALACHÁN SEO A GHLACADH:

Airteagal 1

Leasuithe ar Rialachán (AE) Uimh. 1227/2011

Leasaítear Rialachán (AE) Uimh. 1227/2011 mar a leanas:

[1] Leasaítear Airteagal 1 mar a leanas:

[a] [...] **cuirtear an méid seo a leanas in ionad** [...] m[...] hír **2**:

‘2. Tá feidhm ag an Rialachán seo maidir leis an trádáil táirgí mórdhíola fuinnimh. Tá an Rialachán seo gan dochar do chur i bhfeidhm Threoir (AE) 2014/65, Rialachán (AE) 600/2014 agus Rialachán (AE) 648/2012 a mhéid a bhaineann le gníomhaíochtaí lena bhfuil baint ag ionstraimí airgeadais mar a shainítear faoi Airteagal 4(1)(15) de Threoir (AE) 2014/65 chomh maith le cur i bhfeidhm dhlí iomaíochta an **Aontais** [...] ar na cleachtais a chumhdaítear leis an Rialachán seo’.

[b] cuirtear an dara fomhír seo a leanas le **mír 3** [...]:

‘Déanfaidh an Ghníomhaireacht, na húdaráis rialála náisiúnta, an tÚdarás Eorpach um Urrúis agus Margaí agus údaráis airgeadais inniúla na mBallstát faisnéis agus sonraí ábhartha a mhalartú [...] ar bhonn rialta [...], maidir le sáruithe a d’fhéadfadh a bheith ann ar Rialachán (AE) Uimh. 596/2014 ó Pharlaimint na hEorpa agus ón gComhairle a bhaineann le táirgí mórdhíola fuinnimh a chumhdaítear leis an Rialachán seo’.

[2] Leasaítear Airteagal 2 mar a leanas:

[a] leasaítear pointe (1) mar seo a leanas:

sa dara fomhír, cuirtear an pointe [...] seo a leanas léi:

‘(e) faisnéis arna cur in iúl ag [...] **rannpháirtí sa mhargadh** nó daoine eile atá ag gníomhú thar ceann an [...] **rannpháirtí sa mhargadh do sholáthraí seirbhíse a dhéanann trádáil thar ceann an rannpháirtí sa mhargadh** agus a bhaineann le [...] horduithe **an rannpháirtí sa mhargadh** atá ar feitheamh i dtáirgí mórdhíola fuinnimh, ar de chineál beacht é, a bhaineann go díreach nó go hindíreach, le táirge mórdhíola fuinnimh amháin nó níos mó’;

[b] cuirtear an méid seo a leanas in ionad an tríú fomhír:

‘Measfar go bhfuil faisnéis de chineál beacht má léirítear léi gur ann do shraith imthosca nó go bhféadfaí coinne a bheith leis le réasún go dtiocfadh ann don tsraith imthosca sin, nó gur ann do theagmhas a tharla nó go bhféadfaí coinne a bheith leis le réasún go dtarlódh sé, agus má tá an fhaisnéis sin sonrach go leor le go bhféadfar teacht ar chonclúid faoin éifeacht fhéideartha a bheadh ag an tsraith imthosca sin nó ag an teagmhas sin ar phraghsanna táirgí mórdhíola fuinnimh. Féadfar a mheas gur de chineál beacht faisnéis má bhaineann sí le próiseas a bhfuil fad bainte as, ar próiseas é lena bhfuil sé beartaithe imthosca nó teagmhas ar leith a thuismiú nó a n-eascraíonn imthosca nó teagmhas ar leith as, lena n-áirítear imthosca nó teagmhas amach anseo, agus féadfar a mheas gur de chineál beacht í freisin má bhaineann sí le céimeanna idirmheánacha an phróisis sin atá nasctha leis na himthosca nó an teagmhas sin amach anseo a thuismiú nó a n-eascraíonn na himthosca nó an teagmhas sin astu.

Maidir le céim idirmheánach i bpróiseas a bhfuil fad bainte as, más rud é go gcomhlíonann sí, aisti féin, critéir na faisnéise ón taobh istigh dá dtagraítear i **pointe (1)** [...] measfar gur faisnéis ón taobh istigh í.

Chun críocha **phointe (1)** [...], ciallóidh faisnéis ar dhócha, dá bpoibleofaí í, go mbeadh tionchar nach beag aici ar phraghsanna na dtáirgí mórdhíola fuinnimh sin faisnéis ar dhócha go mbainfeadh **rannpháirtí sa mhargadh** [...] réasúnach úsáid aisti mar chuid den bhonn lena [...] **chinneadh nó lena chinntí a bhaineann le trádáil le táirgí mórdhíola fuinnimh** [...]’;

[c] cuirtear an méid seo a leanas in ionad **phointe** [...](2)[...](a):

[...]

(a) aon idirbheart a dhéantar, aon ordú trádála a eisiatar nó aon iompraíocht eile a bhaineann le táirgí mórdhíola fuinnimh:

(i) lena ndéantar, nó ar dóigh dó, comharthaí bréagacha nó míthreoracha a thabhairt maidir le soláthar táirgí mórdhíola fuinnimh nó maidir leis an éileamh nó leis an bpraghas atá orthu;

(ii) lena ndéanann, nó lenar dócha go ndéanfaidh, duine, nó daoine ag gníomhú i gcomhar le chéile, a chur faoi deara go mbeadh an praghas atá ar tháirge mórdhíola fuinnimh amháin nó níos mó ar leibhéal saorga, mura rud é go suíonn an duine a rinne an t-idirbheart nó a d'eisigh an t-ordú trádála go bhfuil cúiseanna dlisteanacha aige lena dhéanamh amhlaidh agus go bhfuil idirbheart nó ordú trádála **den sórt sin** [...] i gcomhréir le cleachtais mhargaidh a nglactar leo ar an margadh mórdhíola fuinnimh lena mbaineann; nó

(iii) lena n-úsáidtear seift shamhailteach nó aon chineál eile meabhlaireachta nó saorgachta, ar ní é a thabharfaidh, nó ar dóigh dó a thabhairt, comharthaí bréagacha nó míthreoracha maidir le soláthar táirgí mórdhíola fuinnimh nó maidir leis an éileamh nó leis an bpraghas atá orthu;

nó'

[d] i **bpointe** [...] (2), cuirtear an pointe [...] seo a leanas léi agus cuirtear an focal 'nó' roimpi ag deireadh phointe (b):

‘(c) faisnéis atá bréagach nó míthreorach a tharchur nó ionchuir atá bréagach nó míthreorach a sholáthar i ndáil le tagarmharc i gcás ina raibh a fhios ag an duine a rinne an tarchur nó a sholáthair an t-ionchur, nó gur cheart go mbeadh a fhios aige, go raibh sé bréagach nó míthreorach, nó aon iompraíocht eile a mbíonn cúbláil ar ríomh tagarmhairc mar thoradh uirthi.’;

[e] ag deireadh **phointe**[...] (2), cuirtear an fhomhír seo a leanas léi:

‘Féadfaidh cúbláil margaidh iompar duine dhlítheanaigh a ainmniú, ach féadfaidh sí freisin, i gcomhréir le dlí an Aontais[...] nó leis an dlí náisiúnta, iompar na ndaoine nádúrtha a ainmniú a ghlacann páirt sa chinneadh gníomhaíochtaí a dhéanamh le haghaidh chuntas an duine dhlítheanaigh lena mbaineann.’;

[f] cuirtear an méid seo a leanas in ionad **phointe**[...] (4), pointe (a):

[...]

(a) conarthaí maidir le leictreachas nó gás nádúrtha a sholáthar i gcás ina seachadtar san Aontas é nó conarthaí maidir le soláthar leictreachais[...] a bhféadfadh seachadadh san Aontas a bheith mar thoradh orthu **mar thoradh ar chúpláil amháin lá roimh ré agus cúpláil amháin ionlae**;’;

i bpointe (4), cuirtear isteach na pointí nua seo a leanas:

(e) conarthaí a bhaineann le leictreachas nó gás nádúrtha a stóráil san Aontas;

(f) díorthaigh a bhaineann le leictreachas nó gás nádúrtha a stóráil san Aontas;

[g] cuirtear an méid seo a leanas in ionad **phointe**[...] (7):

‘(7) ciallaíonn ‘rannpháirtí sa mhargadh’ aon duine, lena n-áirítear oibreoirí córas tarchurtha, **oibreoirí córas dáileacháin, oibreoirí córais stórála agus oibreoirí córais GNL** [...], a dhéanann idirbhearta, lena n-áirítear orduithe chun trádáil a dhéanamh, i margadh mórdhíola fuinnimh amháin nó níos mó’;

[h] cuirtear an **pointe** nua[...] a leanas isteach:

‘(8a) ciallaíonn ‘duine a eagraíonn nó a fhorghníomhaíonn idirbhearta go gairmiúil’ duine atá gníomhach go gairmiúil i nglacadh agus i dtarchur orduithe le haghaidh táirgí mórdhíola fuinnimh nó in idirbhearta a fhorghníomhú le haghaidh táirgí mórdhíola fuinnimh;’;

[i] cuirtear isteach an **pointe** nua[...] seo a leanas:

ciallaíonn ‘an Ghníomhaireacht’ nó ‘ACER’ Gníomhaireacht an Aontais Eorpaigh um Chomhar idir Rialálaithe Fuinnimh;’;

[j] cuirtear na pointí seo a leanas isteach:

‘(16) ciallaíonn ‘sásra tuairiscithe cláraithe’ nó ‘RRM’ duine atá [...] **údaráithe** faoin Rialachán seo leis an tseirbhís a sholáthar maidir le mionsonraí idirbheart, lena n-áirítear orduithe chun trádáil a dhéanamh, agus sonraí bunúsacha a thuairisciú don Ghníomhaireacht thar ceann rannpháirtithe sa mhargadh;

(17) ciallaíonn ‘ardán um fhaisnéis ón taobh istigh’ nó ‘IIP’ duine [...] atá **údaráithe** faoin Rialachán seo chun seirbhís a sholáthar maidir le hardán a oibriú chun faisnéis ón taobh istigh a nochtadh agus chun faisnéis nochtá ón taobh istigh a thuairisciú don Ghníomhaireacht thar ceann rannpháirtithe sa mhargadh[...];

(18) ciallaíonn ‘trádáil algartamach’ trádáil táirgí mórdhíola fuinnimh i gcás ina gcinnfear go huathoibríoch le halgartam ríomhaire paraiméadair aonair d’orduithe chun trádáil a dhéanamh, mar shampla, cibé a dhéanfar nó nach ndéanfar an t-ordú a thionscnamh, an t-uainiú, praghas nó méid an ordaithe nó conas an t-ordú a bhainistiú tar éis a thíolactha, le hidirghabháil dhaonna theoranta nó gan idirghabháil dhaonna ar bith, agus gan aon chóras a chuimsiú nach n-úsáidtear ach amháin chun orduithe a ródú chuig margadh eagraithe amháin nó níos mó nó chun orduithe a phróiseáil nach mbaineann aon chinneadh paraiméadar trádála leo nó chun orduithe a dheimhniú nó chun próiseáil iar-thrádála a dhéanamh ar na hidirbhearta a fhorghníomhaíodh;

(19) ciallaíonn ‘rochtain leictreonach dhíreach’ socrú ina gceadaíonn comhalta, rannpháirtí nó cliant de mhargadh eagraithe do dhuine eile a chód trádála a úsáid ionas gur féidir leis an duine orduithe chun trádáil a dhéanamh a bhaineann le táirge mórdhíola fuinnimh a tharchur go leictreonach go díreach chuig an margadh eagraithe, lena n-áirítear socruithe lena mbaineann úsáid bhonneagar **TF** an chomhalta nó an rannpháirtí nó an chliant ag duine, nó aon chóras cónaisc a sholáthraíonn an comhalta nó an rannpháirtí nó an cliant, chun na horduithe chun trádáil a dhéanamh a tharchur (rochtain dhíreach ar an margadh) agus socruithe i gcás nach n-úsáideann duine bonneagar den sórt sin (rochtain urraithe);

(20) ciallaíonn ‘margadh eagraithe’ (‘MOP’) malartán fuinnimh, bróicéir fuinnimh, ardán acmhainneachta fuinnimh nó **aon chóras nó saoráid eile ina mbíonn iliomad leasanna ceannaigh nó díola tríú páirtithe i dtáirgí mórdhíola fuinnimh ag idirghníomhú ar bhealach a bhféadfadh idirbheart [...] a bheith mar thoradh air.**

(20a) ciallaíonn ‘ordleabhar’ na mionsonraí uile maidir le táirgí mórdhíola fuinnimh a dhéantar ar mhargaí eagraithe, lena n-áirítear orduithe comhoiriúnaithe agus orduithe neamh-mheaitseálte, chomh maith le horduithe arna nginiúint ag córas agus imeachtaí saolré.

(20b) ciallaíonn ‘tagarmharc’ aon ráta, innéacs nó figiúr, a chuirtear ar fáil don phobal nó a fhoilsítear agus a chinntear go tréimhsiúil nó go rialta trí fhoirmle a chur i bhfeidhm ar cheann amháin nó níos mó de na buntáirgí mórdhíola fuinnimh, nó ar bhonn an luacha sin, lena n-áirítear praghsanna measta, nó suirbhéanna, agus ar faoina threoir a chinntear an méid is infíoitha faoi tháirge mórdhíola fuinnimh nó luach táirge mórdhíola fuinnimh.

(21) ciallaíonn ‘trádáil GNL’ tairiscintí ceannaigh, tairiscintí díola nó idirbhearta chun GNL a cheannach nó a dhíol: (a) lena sonraítear seachadadh san Aontas; (b) a mbíonn seachadadh san Aontas mar thoradh orthu; nó (c) ina ndéanann contrapháirtí amháin GNL a athghású ag críochfort san Aontas.

(22) ciallaíonn ‘sonraí margaidh GNL’ taifid ar thairiscintí ceannaigh, ar thairiscintí díola nó ar idirbhearta maidir le trádáil GNL le faisnéis chomhfhreagrach mar a shonraítear sa **Rialachán seo** [...].

(23) ciallaíonn ‘rannpháirtí sa mhargadh GNL’ aon duine nádúrtha nó dlítheanach, gan beann ar áit chorpraithe nó áit sainchónaithe an duine sin, a dhéanann GNL a thrádáil.

(24) ciallaíonn ‘measúnú ar phraghsanna GNL’ praghas tagartha laethúil le haghaidh trádáil GNL a chinneadh i gcomhréir le modheolaíocht [...] a bhunóidh **an Ghníomhaireacht** [...].

(25) ciallaíonn ‘tagarmharc GNL’ raon difríochta arna chinneadh idir an measúnú laethúil ar phraghsanna GNL agus an praghas socraíochta don chonradh míosa tosaigh le haghaidh Thodhchaíochtaí Gáis TTF a bhunaíonn ICE Endex Markets B.V. ar bhonn laethúil.’;

[3] in Airteagal 3(1), cuirtear isteach an fhomhír [...] seo a leanas:

‘Measfar freisin gur trádáil chos istigh faisnéis ón taobh istigh a úsáid chun ordú a bhaineann le táirge mórdhíola fuinnimh lena mbaineann an fhaisnéis a chealú nó a leasú i gcás ina ndearnadh an t-ordú sula raibh an fhaisnéis ón taobh istigh ag an duine lena mbaineann.’;

[4] Leasaítear Airteagal 4 mar a leanas:

[a] i mír 1, cuirtear an fhomhír [...] seo a leanas léi:

‘Nochtfaidh rannpháirtithe sa mhargadh an fhaisnéis ón taobh istigh trí IIPanna. Áiritheoidh na IIPanna go gcuirfeadh an fhaisnéis ón taobh istigh ar fáil go poiblí ar bhealach a gcuirfidh ar a chumas don phobal rochtain **phras** [...] a fháil uirthi, lena n-áirítear rochtain trí chomhéadan feidhmchláir soiléir, agus measúnú iomlán, ceart agus tráthúil a dhéanamh ar an bhfaisnéis sin.’;

[b] cuirtear an méid seo a leanas in ionad mhír 4:

‘4. Maidir le foilsiú faisnéise ón taobh istigh, lena n-áirítear a foilsiú i bhfoirm chomhiomlánaithe, i gcomhréir le Rialachán (CE) Uimh. 714/2009 nó (CE) Uimh. 715/2009, nó le treoirlínte agus cóid ghréasáin arna nglacadh de bhun na Rialachán sin, is nochtadh poiblí é atá [...]éifeachtach, [...]ach nach [...] **gá gur** nochtadh **tráthúil poiblí é** [...] **de réir** bhrí mhír 1 den Airteagal sin’.

[5] Cuirtear an tAirteagal [...] seo a leanas isteach:

‘Airteagal 4a

IIPanna a údarú agus a mhaoirsiú

1. Cláróidh IIPanna leis an nGníomhaireacht. Ní oibreoidh IIP go dtí go mbeidh measúnú déanta ag an nGníomhaireacht cibé acu a chomhlíonann nó nach gcomhlíonann an IIP sin na ceanglais **i míreanna 2 go 4** [...] [...] agus cibé acu atá nó nach bhfuil **a** oibríocht údaraithe aige. Beidh clár IIPanna ar fáil go poiblí agus beidh faisnéis ann faoi na seirbhísí a bhfuil an IIP [...] **údaraithe** ina leith. Déanfaidh an Gníomhaireacht athbhreithniú rialta ar chomhlíonadh **mhíreanna 2 go 4** [...] ag IIPanna. I gcás ina bhfuil **údarú** [...] tarraingthe siar ag an nGníomhaireacht i gcomhréir le mír 5, **bainfidh sí an IIP** [...] [...] **den** chlár. [...]
2. Beidh beartais agus socruithe leordhóthanacha i bhfeidhm ag IIP chun an fhaisnéis ón taobh istigh a éilítear faoi Airteagal 4(1) a chur ar fáil don phobal chomh gar d’fhíor-am agus is féidir go teicniúil leis an bhfíor-am, ar bhonn réasúnta tráchtála. Cuirfear an fhaisnéis ar fáil **agus beidh rochtain uirthi** saor in aisce chun gach críche, **lena n-áirítear trí chomhéadan feidhmchláir**. Scaipfidh an IIP an fhaisnéis sin go héifeachtúil agus go comhsheasmhach ar shlí ina n-áiríteofar go mbeidh rochtain **phras** [...] ar an bhfaisnéis ón taobh istigh, ar bhonn neamh-idirdhealaitheach agus i bhformáid lena n-éascaítear comhdhlúthú na faisnéise ón taobh istigh le sonraí comhchosúla ó fhoinsí eile.

3. Cuimseofar san fhaisnéis ón taobh istigh a chuirfidh IIP ar fáil don phobal i gcomhréir le mír 2, ar a laghad, na mionsonraí seo a leanas ag brath ar an gcineál faisnéise ón taobh istigh:
- (a) aitheantas na teachtaireachta agus stádas an teagmhais;
 - (b) **dáta agus am an** fhoilsithe[...], **agus** [...] **thús**[...] agus **dheireadh** [...] an imeachta;
 - (c) ainm an rannpháirtí sa mhargadh agus aitheantas an rannpháirtí sa mhargadh;
 - (d) **an cineál faisnéise (e.g., neamh-infhaighteacht, réamhaisnéis, úsáid iarbhair)**
 - ([...])e) an crios tairisceana nó cothromúcháin lena mbaineann; **agus**
 - ([...])f) [...] más infheidhme:
 - [...] **(i)** an cineál neamh-infhaighteachta agus an cineál teagmhais;
 - [...] **(ii)** an t-aonad tomhais;
 - [...] **(iii)** an acmhainn nach bhfuil ar fáil, an acmhainn atá ar fáil agus an acmhainn shuiteáilte nó theicniúil;
 - [...] **(iv)** an chúis leis an neamh-infhaighteacht;
 - [...] **(v)** an cineál breosla;
 - [...] **(iv)** an tsócmhainn nó an t-aonad dá ndéantar difear agus a cód aitheantais.
4. Déanfaidh IIP socrúithe riaracháin éifeachtacha a fheidhmiú agus a choinneáil ar bun arb é is aidhm dóibh coinbhleachtaí leasa idir é agus a chuid cliant a chosc. Maidir le IIP go háirithe ar **margadh eagraithe** [...] nó rannpháirtí sa mhargadh é freisin, is ar bhealach neamh-idirdhealaitheach a dhéanfaidh sé an fhaisnéis ar fad ón taobh istigh a bhaileofar a láimhseáil, agus déanfaidh sé socrúithe iomchuí a fheidhmiú agus a choinneáil ar bun chun feidhmeanna éagsúla gnó a idirdhealú ó chéile.

Beidh sásraí fóna slándála i bhfeidhm ag IIP arna ndearadh chun ráthaíocht a thabhairt maidir le slándáil na modhanna a aistrítear faisnéis ón taobh istigh, **chun** an riosca maidir le truailliú sonraí agus rochtain neamhúdairithe a íoslaghdú agus chun sceitheadh faisnéise ón taobh istigh roimh a foilsithe a chosc. Déanfaidh IIP acmhainní leordhóthanacha a choinneáil ar bun agus beidh saoráidí cúltaca aige chun a sheirbhísí a thairiscint agus a choinneáil ar bun i rith an ama.

Beidh córais i bhfeidhm ag IIP lenar féidir tuarascálacha ar fhaisnéis ón taobh istigh a sheiceáil go tapa agus go héifeachtach maidir le hiomláine, easnaimh agus earráidí soiléire a shainaithint, agus iarraidh **a dhéanamh ar leagan ceartaithe de** [...]tuarascálacha **den chineál sin a fháil**.

5. Féadfaidh an Ghníomhaireacht **údarú** [...] IIP a tharraingt siar, **trí bhíthin cinnidh, agus é a bhaint den chlár**, sna cásanna seo a leanas mar a bhaineann sé le **IIP** [...]:
- (a) i gcás nach n-úsáidtear an t-údarú laistigh de 12 mhí, [...] nó níor chuir sé seirbhísí ar bith ar fáil le 6 mhí roimhe sin;
 - (b) i gcás go bhfuarthas an clárúchán trí ráitis bhréige a dhéanamh nó ar aon mhodh neamhrialta eile;
 - (c) nach gcomhlíonann sé a thuilleadh na **ceanglais maidir le húdarú a leagtar amach i míreanna 2 go 4** [...]; **nó**
 - (d) sháraigh RRM an Rialachán seo go tromchúiseach agus go córasach.

Déanfaidh an Ghníomhaireacht údarú IIP a tharraingt siar trí bhíthin cinnidh agus bainfidh sí den chlár é i gcás ina dtréigeann IIP an t-údarú go sainráite tríd an nGníomhaireacht a chur ar an eolas faoi sin.

- 6. Tabharfaidh an Ghníomhaireacht do IIP, atá faoi réir aistarraingt fhéideartha a údairithe, na ráthaíochtaí nós imeachta iomchuí, lena n-áirítear na ráthaíochtaí sin dá dtagraítear in Airteagal 14(6) go (8) de Rialachán (AE) 2019/942.**

7. Nuair a tharraingíonn **an Ghníomhaireacht** [...] siar [...] **an t-údarú**, áiritheoidh an IIP lena mbaineann ionadú ordúil lena n-áirítear aistriú sonraí chuig IIPanna eile agus atreorú sreafaí tuairiscithe chuig IIPanna eile. **Chun leanúnachas a áirithiú, tabharfaidh an Ghníomhaireacht tréimhse ama réasúnta sé mhí ar a laghad don IIP chun an ionadú ordúil sin a áirithiú. Féadfaidh an Ghníomhaireacht tréimhse ama níos giorra a sholáthar, áfach, más rud é go bhféadfadh oibriú leanúnach an IIP oibriú ordúil an chórais a chur i mbaol, ag féachaint do thromchúis na bhfioras as ar eascair tarraingt siar údaraithe.**

Gan aon mhoill mhíchuí, déanfaidh an Ghníomhaireacht [...], an t-údarás **rialála** [...] náisiúnta sa Bhallstát ina bhfuil IIP bunaithe, **agus na rannpháirtithe sa mhargadh, a chur ar an eolas faoin** [...] gcinneadh **údarú** IIP a tharraingt siar.

- 8[...]. **Faoi [2 bhliain tar éis theacht i bhfeidhm an rialacháin leasaithe sin], glacfaidh an Coimisiún gníomhartha cur chun feidhme lena sonrófar an méid seo a leanas: [...]**

- (a) na modhanna trína bhféadfaidh IIP an oibleagáid maidir le faisnéis ón taobh istigh dá dtagraítear i mír 2 a chomhlíonadh;
- (b) inneachar na faisnéise ón taobh istigh arna foilsiú faoi mhír 2 ar bhealach ina bhféadfadh an fhaisnéis a cheanglaítear faoin Airteagal seo a fhoilsiú;
- (c) na ceanglais eagraíochtúla nithiúla maidir le mír 4 a chur chun feidhme; [...]
- (d) na mionsonraí maidir leis an bpróiseas chun údarú IIP dá dtagraítear i mír 5 a tharraingt siar,**
- (da) na coimircí nós imeachta dá dtagraítear i mír 6;**

(e) na mionsonraí a bhaineann le próiseas an ionadaithe ordúil dá dtagraítear i mír 7;

(f) na socruithe mionsonraithe maidir le rannpháirtithe sa mhargadh a chur ar an eolas faoi chinneadh údarú IIP a tharraingt siar.

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 21(2).

[6] Cuirtear [...] seo a leanas isteach:

‘Airteagal 5a

Trádáil algartamach

1. Rannpháirtí sa mhargadh a bhíonn i mbun trádáil algartamach, beidh córais éifeachtacha agus rialuithe riosca i bhfeidhm aige atá oiriúnach don ghnó a oibríonn sé chun a áirithiú go bhfuil a chórais trádála athléimneach agus go bhfuil dóthain acmhainneachta acu, go bhfuil siad faoi réir tairseacha agus teorainneacha trádála iomchuí agus go gcuireann siad cosc ar sheoladh orduithe earráideacha chun trádáil a dhéanamh nó ar fheidhmiú na gcórais ar shlí eile a bhféadfadh margadh mí-ordúil a chruthú nó cur le margadh mí-ordúil. Beidh córais éifeachtacha agus rialuithe riosca éifeachtacha i bhfeidhm ag an rannpháirtí sa mhargadh freisin chun a áirithiú go gcomhlíonann na córais trádála an Rialachán seo agus rialacha margaidh eagraithe [...] lena bhfuil sé nasctha. Beidh socruithe éifeachtacha leanúnachais gnó i bhfeidhm ag an rannpháirtí sa mhargadh chun déileáil le haon mhainneachtain dá chórais trádála agus áiritheoidh sé go ndéanfar tástáil iomlán ar a chórais agus go ndéanfar faireachán ceart orthu chun a áirithiú go gcomhlíonfar na ceanglais a leagtar síos sa mhír seo leo.
2. Rannpháirtí sa mhargadh a dhéanann trádáil algartamach i mBallstát, tabharfaidh sé fógra faoi sin d’údaráis rialála náisiúnta [...] an Bhallstáit ina bhfuil sé cláraithe de bhun Airteagal 9(1) agus don Ghníomhaireacht.

Féadfaidh údarás rialála náisiúnta an Bhallstáit **ina bhfuil** [...] an rannpháirtí sa mhargadh **cláraithe de bhun Airteagal 9(1)** a cheangal ar an rannpháirtí sa mhargadh a sholáthar, ar bhonn rialta nó ad hoc, tuairisc ar chineál a straitéisí trádála algartamaí, mionsonraí na bparaiméadar trádála nó na dteorainneacha trádála a bhfuil an córas trádála faoina réir, na príomhrialuithe comhlíonta agus riosca atá i bhfeidhm aige lena áirithiú go bhfuil na ceanglais a leagtar síos i mír 1 á sásamh agus na mionsonraí maidir le tástáil a chóras trádála.

Socróidh an rannpháirtí sa mhargadh go gcoinneofar taifid i ndáil leis na pointí dá dtagraítear sa mhír sin **ar feadh 5 bliana** agus áiritheoidh sé go mbeidh na taifid sin leordhóthanach chun ligean dá údarás rialála náisiúnta faireachán a dhéanamh ar chomhlíonadh cheanglais an Rialacháin seo.

3. Aon rannpháirtí sa mhargadh a sholáthraíonn rochtain dhíreach leictreonach ar mhargadh eagraithe, tabharfaidh sé fógra dá réir sin d' [...] **údaráis rialála náisiúnta an** [...] Bhallstáit **ina bhfuil sé cláraithe de bhun Airteagal 9(1)** agus don Ghníomhaireacht.

Féadfaidh údarás rialála náisiúnta an [...] Bhallstát [...] **ina bhfuil** rannpháirtí sa mhargadh **cláraithe de bhun Airteagal 9(1)** a cheangal ar an rannpháirtí sa mhargadh a sholáthar, ar bhonn rialta nó ad hoc, tuairisc ar na córais agus na rialuithe dá dtagraítear i mír 1 agus fianaise gur cuireadh i bhfeidhm iad.

Socróidh an rannpháirtí sa mhargadh go gcoinneofar taifid i ndáil leis na hábhair dá dtagraítear sa mhír sin **ar feadh 5 bliana** agus áiritheoidh sé go mbeidh na taifid sin leordhóthanach chun ligean dá údarás rialála náisiúnta faireachán a dhéanamh ar chomhlíonadh cheanglais an Rialacháin seo.

4. Tá an tA[...]irteagal seo gan dochar do na hoibleagáidí faoi Threoir (AE) 2014/65.’;

[7] in Airteagal 7, cuirtear an méid seo a leanas in ionad mhír 1:

‘1. Déanfaidh **an Ghníomhaireacht** [...] faireachán ar ghníomhaíocht trádála i dtáirgí mórdhíola fuinnimh chun trádáil ar bhonn faisnéis ón taobh istigh agus cúbláil margaidh, nó iarrachtaí na rudaí sin a dhéanamh, a bhrath agus a chosc. Baileoidh sí na sonraí chun measúnú agus faireachán a dhéanamh ar mhargaí mórdhíola fuinnimh dá bhforáiltear in Airteagal 8.’;

[7a] Cuirtear isteach na[...] [...]hAirteagail [...] a leanas [...]:

‘Airteagal 7a

Cúraimí agus cumhachtaí **na Gníomhaireachta** [...] chun measúnuithe praghaís agus tagarmharcanna a dhéanamh

1. Déanfaidh [...] **an Ghníomhaireacht** [...] measúnú ar phraghsanna GNL agus foilseoidh sí an measúnú sin. Chun críoch an mheasúnaithe ar phraghsanna GNL, déanfaidh **an Ghníomhaireacht** [...] sonraí margaidh GNL maidir le hidirbhearta a bhailiú agus a phróiseáil go córasach. I gcás inarb iomchuí, cuirfear san áireamh sa mheasúnú ar phraghsanna difríochtaí réigiúnacha agus dálaí margaidh.

2. Déanfaidh [...] **an Ghníomhaireacht** [...] tagarmharc GNL laethúil a chur ar fáil agus a fhoilsiú arna chinneadh leis an raon difríochta idir an measúnú laethúil ar phraghsanna GNL agus an praghas socraíochta don chonradh míosa tosaigh le haghaidh Thodhchaíochtaí Gáis TTF a bhunaíonn ICE Endex Markets B.V. ar bhonn laethúil. Chun críocha an tagarmhairc GNL, déanfaidh **an Ghníomhaireacht** [...] na sonraí margaidh GNL uile a bhailiú agus a phróiseáil go córasach.

3. De mhaolú ar Airteagal 3(4), pointe (b), den Rialachán seo, beidh feidhm ag na hoibleagáidí atá ar an rannpháirtí sa mhargadh agus toirmisc an Rialachán seo maidir le rannpháirtithe sa mhargadh GNL. Beidh feidhm freisin ag na cumhachtaí a thugtar **don Ghníomhaireacht** [...] faoin Rialachán seo agus faoi Rialachán Cur Chun Feidhme (AE) Uimh. 1348/2014 maidir le rannpháirtithe sa mhargadh GNL, lena n-áirítear na forálacha maidir le rúndacht.

Airteagal 7b

Foilsíú na measúnuithe ar phraghsanna GNL agus tagarmharc GNL

1. Foilseofar an measúnú ar phraghsanna GNL ar bhonn laethúil, agus tráth nach déanaí ná 18.00 CET don mheasúnú praghais idirbhirt glan amach. [...] **De** bhreis ar mheasúnú praghais GNL a fhoilsíú, foilseoidh **an Ghníomhaireacht** [...] freisin, ar bhonn laethúil, an tagarmharc GNL tráth nach déanaí ná 19.00 CET nó a luaithe is féidir go teicniúil.
2. Chun críocha an Airteagail seo, féadfaidh **an Ghníomhaireacht** [...] úsáid a bhaint as seirbhísí tríú páirtí.

Airteagal 7c

Sonraí margaidh GNL a sholáthar **don Ghníomhaireacht** [...]

1. Déanfaidh rannpháirtithe sa mhargadh GNL na sonraí margaidh GNL a chur faoi bhráid **na Gníomhaireachta** [...] go laethúil i gcomhréir leis na sonraíochtaí a leagtar amach sa **Rialachán seo** [...], i bhformáid chaighdeánaithe, trí phrótacal tarchurtha ardcháilíochta, agus chomh gar d'fhíor-am agus is féidir ó thaobh na teicneolaíochta de sula bhfoilseofar an measúnú laethúil GNL ar phraghsanna (18.00 CET).

2. Féadfaidh an Coimisiún gníomhartha cur chun feidhme a ghlacadh lena sonrófar an pointe ama faoina mbeidh sonraí margaidh GNL le cur isteach roimh fhoilsiú laethúil an mheasúnaithe ar phraghsanna GNL dá dtagraítear i mír 1. Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 21(2) [...].

3. I gcás inarb iomchuí, déanfaidh **an Ghníomhaireacht** [...], tar éis di dul i gcomhairle leis an gCoimisiún, treoirlínte a eisiúint maidir leis na nithe seo a leanas:

(a) mionsonraí na faisnéise atá le tuairisciú, sa bhreis ar mhionsonraí reatha na n-idirbheart intuairiscithe agus na sonraí bunúsacha faoi Rialachán Cur Chun Feidhme (AE) Uimh. 1348/2014, lena n-áirítear tairiscintí ceannaigh agus tairiscintí díola; agus

(b) an nós imeachta, an fhormáid chaighdeánach agus an fhormáid leictreonach agus na ceanglais theicniúla agus eagraíochtúla a bhaineann le sonraí a chur isteach atá le húsáid chun na sonraí margaidh is gá a sholáthar.

4. Cuirfidh rannpháirtithe sa mhargadh GNL na sonraí margaidh GNL is gá faoi bhráid **na Gníomhaireachta** [...] saor in aisce agus trí na bealaí tuairiscithe arna mbunú ag **an nGníomhaireacht** [...], i gcás inar féidir trí úsáid a bhaint as na nósanna imeachta atá ann agus atá ar fáil cheana.

Airteagal 7d

Cáilíocht na sonraí margaidh GNL

1. Áireofar na nithe seo a leanas i sonraí margaidh GNL:

(a) na páirtithe sa chonradh, lena n-áirítear táscaire ceannaigh/díola;

(b) an páirtí tuairiscithe;

(c) praghas an idirbhirt;

(d) cainníochtaí an chonartha;

- (e) luach an chonartha;**
- (f) fuinneog theachta an lasta GNL;**
- (g) téarmaí an tseachadta;**
- (h) na pointí seachadta;**
- (i) an fhaisnéis stampa ama faoi na nithe seo a leanas uile:**
 - (i) an dáta agus an t-am a rinneadh an tairiscint cheannaigh nó an tairiscint díola;**
 - (ii) dáta agus am an idirbhirt;**
 - (iii) dáta agus am tuairiscithe na tairisceana ceannaigh, na tairisceana díola nó an idirbhirt;**
 - (iv) an t-am a bhfuair an Ghníomhaireacht na sonraí margaidh GNL.**

2. Déanfaidh rannpháirtithe sa mhargadh GNL sonraí margaidh GNL a sholáthar don Ghníomhaireacht sna haonaid agus sna hairgeadraí seo a leanas:

- (a) tuairisceofar praghsanna aonaid idirbhirt, tairisceana ceannaigh agus tairisceana díola san airgeadra a shonraítear sa chonradh agus in EUR/MWh agus áireofar leo rátaí comhshó agus malairte arna gcur i bhfeidhm más infheidhme;**
- (b) tuairisceofar cainníochtaí conartha sna haonaid a shonraítear sna conarthaí agus in MWh;**
- (c) tuairisceofar fuinneoga teachta i dtéarmaí dátaí seachadta arna sloinneadh i bhformáid AUL;**

- (d) léireofar le pointe seachadta aitheantóir bailí arna liostú ag an nGníomhaireacht amhail dá dtagraítear i liosta saoráidí GNL atá faoi réir tuairiscithe de bhun Rialachán (AE) Uimh. 1227/2011 agus Rialachán Cur Chun Feidhme (AE) Uimh. 1348/2014; déanfar an fhaisnéis stampa ama a thuairisciú i bhformáid AUL; (le hionadú le crostagairtí de réir mar is iomchuí)
- (e) más ábhartha, déanfar foirmle an phraghais sa chonradh fadtéarmach óna ndíorthaítear an praghas a thuairisciú ina hiomláine.

3. Eiseoidh an Gníomhaireacht treoraíocht maidir leis na critéir faoina mbeidh aighnitheoir aonair freagrach as cuid mhór de na sonraí margaidh GNL arna gcur isteach laistigh de thréimhse thagartha áirithe agus maidir leis an gcaoi a dtabharfar aghaidh ar an gcás sin ina mheasúnú laethúil ar phraghsanna GNL agus ina thagarmharcanna GNL.’

Airteagal 7e [...]

Leanúnachas gnó

Athbhreithneoidh, nuashonróidh agus foilseoidh an Gníomhaireacht[...] go tráthrialta a mheasúnú ar phraghsanna tagartha GNL agus a mhodheolaíocht maidir le tagarmharc GNL chomh maith leis an modheolaíocht a úsáidtear chun sonraí margaidh GNL a thuairisciú agus chun a mheasúnuithe ar phraghsanna GNL agus a thagarmharcanna GNL a fhoilsiú, agus tuairimí rannpháirtithe sonraí margaidh GNL á gcur san áireamh.’;

[8] Leasaítear Airteagal 8 mar a leanas:

[a] cuirtear an mhír [...] seo a leanas isteach:

‘(1a) Chun taifid ar idirbhearta a thuairisciú, lena n-áirítear orduithe chun trádáil a dhéanamh, arna n-iontráil, arna dtabhairt i gcrích nó arna ndéanamh ar mhargaí eagraithe, déanfaidh na [...]

OMPanna sin, nó tríú páirtithe thar a gceann, an méid a leanas:

(a) sonraí a bhaineann leis an leabhar orduithe a chur ar fáil don Ghníomhaireacht nó,

(b) arna iarraidh sin don Ghníomhaireacht, rochtain a thabhairt don Ghníomhaireacht ar an leabhar orduithe ionas go mbeidh **an Ghníomhaireacht** [...] in ann faireachán a dhéanamh ar thrádáil **ar an margadh mórdhíola fuinnimh.**

Faoi [2 bhliain tar éis theacht i bhfeidhm an rialacháin leasaithe], glacfaidh an Coimisiún gníomhartha cur chun feidhme lena sonrófar na mionsonraí breise maidir le hoibriú na míre seo, lena n-áirítear na socruithe sonracha chun tuairisciú éifeachtach sonraí a áirithiú.

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 21(2).

[b] i mír 2, cuirtear an méid seo a leanas in ionad an dara fomhír:

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 21(2). Cuirfidh siad san áireamh córais tuairiscithe idirbheart atá ann cheana chun faireachán a dhéanamh ar ghníomhaíocht trádála chun drochúsáid mhargaidh a bhrath.’

[c] i mír 3, cuirtear an méid seo a leanas in ionad na chéad fhomhíre:

‘3. Daoine dá dtagraítear i bpointí (a) go (d) de mhír 4 agus a thuairiscigh idirbhearta i gcomhréir le Rialachán (AE) 600/2014 nó Rialachán (AE) 648/2012, ní bheidh siad faoi réir oibleagáidí tuairiscithe dúbailte a bhaineann leis na hidirbhearta sin’.

[d] leasaítear mír 4 mar a leanas:

(i) cuirtear an méid seo a leanas in ionad phointe (d):

‘(d) margadh eagraithe, córas meaitseála trádála nó duine eile a shocraíonn nó a dhéanann idirbhearta go gairmiúil’;

(ii) cuirtear isteach [...] na fomhíreanna[...] seo a leanas:

‘Soláthrófar an fhaisnéis **dá dtagraítear sa chéad fhomhír** trí shásraí tuairiscithe cláraithe.’;

(iii) cuirtear an tríú fhomhír seo a leanas isteach:

‘Cuirfidh rannpháirtithe sa mhargadh, nó duine nó údarás atá liostaithe i bpointe (b) go pointe (f) den mhír seo thar a gceann, taifead ar fáil don Ghníomhaireacht d’idirbhearta an mhargaidh mórdhíola fuinnimh, lena n-áirítear orduithe chun trádáil a dhéanamh. Áireofar san fhaisnéis a thuairisceofar sainaithint bheacht na dtáirgí mórdhíola fuinnimh a ceannaíodh agus a díoladh, an praghas agus an chainníocht a comhaontaíodh, na dátaí agus na hamanna cur i gcrích, na páirtithe san idirbheart agus tairbhíthe idirmheánacha nó deiridh an idirbhirt agus aon fhaisnéis ábhartha eile. Cé gur ar na rannpháirtithe sa mhargadh atá an fhreagracht fhoriomlán, a luaithe a gheofar an fhaisnéis is gá ó dhuine nó ó údarás a liostaítear i bpointí (b) go (f) den mhír seo, measfar an oibleagáid tuairiscithe atá ar an rannpháirtí sa mhargadh i dtrácht a bheith comhlíonta.’

[e] cuirtear an méid seo a leanas in ionad mhír 5:

‘5. Déanfaidh rannpháirtithe sa mhargadh faisnéis a sholáthar **don Ghníomhaireacht** [...] agus do na húdaráis rialála náisiúnta a bhaineann le hacmhainneacht agus le húsáid na saoráidí i gcomhair táirgeadh, stóráil, tomhaltas nó tarchur leictreachais nó gáis nádúrtha nó a bhaineann le hacmhainneacht agus úsáid saoráidí GNL, lena n-áirítear neamh-infhaighteacht phleanáilte nó neamhphleanáilte na saoráidí sin, agus le faisnéis ón taobh istigh a nochtar go poiblí i gcomhréir le hAirteagal 4, chun faireachán a dhéanamh ar thrádáil i margaí mórdhíola fuinnimh. Déanfar oibleagáidí rannpháirtithe sa mhargadh maidir le tuairisciú a íoslaghdú tríd an bhfaisnéis a cheanglaítear a thabhairt, nó codanna di, a bhailiú ó fhoinsí atá ann cheana i gcás inar féidir.’;

[9] in Airteagal 9(1), cuirtear an méid seo a leanas in ionad **na chéad fhomhíre**:

‘1. Maidir le rannpháirtithe sa mhargadh a dhéanann idirbhearta a cheanglaítear a thuairisciú **don Ghníomhaireacht** [...] i gcomhréir le hAirteagal 8(1), cláróidh siad leis an údarás rialála náisiúnta sa Bhallstát ina bhfuil siad bunaithe nó ina bhfuil cónaí orthu. Rannpháirtithe sa mhargadh a bhfuil cónaí orthu nó atá bunaithe i dtríú tír, [...] **ainmneoidh siad ionadaí** i mBallstát ina bhfuil siad gníomhach agus cláróidh siad le húdarás rialála náisiúnta an Bhallstáit sin.

Ainmneofar an t-ionadaí le sainordú i scríbhinn ón rannpháirtí margaidh agus údarófar dó gníomhú thar a cheann. Féadfaidh údarás inniúla dul i dteagmháil leis an ionadaí údaráithe maidir le hoibleagáidí na rannpháirtithe sa mhargadh a leagtar síos sa Rialachán seo.

[10] cuirtear an tAirteagal [...] seo a leanas isteach:

‘Airteagal 9a

Údarú agus maoirseacht na Sásraí Tuairiscithe Cláraithe (RRManna)

1. Beidh oibriú RRM faoi réir údarú roimh ré ón nGníomhaireacht [...].

Údaróidh an Gníomhaireacht páirtithe mar RRM sna cásanna seo a leanas:

- (a) is duine dlítheanach atá bunaithe san Aontas é RRM; agus
- (b) comhlíonann RRM na ceanglais a leagtar síos i **mír 3**. [...].

An t-údarú le feidhmiú mar RRM, beidh éifeacht leis agus beidh sé bailí i gcríoch an Aontais ina hiomláine, agus ceadóidh sé do sholáthraí RRM na seirbhísí a bhfuil údarú faighte aige ina leith a chur ar fáil ar fud an Aontais.

Déanfaidh RRM údaraithe na coinníollacha a chomhlíonadh [...] maidir leis an údarú dá dtagraítear **i míreanna 1 agus 3** [...]. Déanfaidh RRM údaraithe, gan moill mhíchúí, fógra a thabhairt **don Gníomhaireacht** [...] faoi aon athrú ábhartha ar choinníollacha an údaraithe.

Bunóidh an Gníomhaireacht clár de gach RRM **a bheidh údaraithe aici i gcomhréir leis an mír seo** [...]. Beidh an clár ar fáil go poiblí agus beidh faisnéis ann maidir leis na seirbhísí a bhfuil RRM údaraithe ina leith agus tabharfar cothrom le dáta é go rialta. I gcás ina bhfuil údarú RRM tarraingthe siar ag an nGníomhaireacht i gcomhréir le mír 4, **bainfidh sí an RRM den chlár**[...].

2. Déanfaidh an Ghníomhaireacht athbhreithniú rialta ar chomhlíontacht RRManna le **míreanna 1 agus 3** [...]. Chun na críche sin, tuairisceoidh RRManna don Ghníomhaireacht maidir lena ngníomhaíochtaí ar bhonn bliantúil.
3. Beidh beartais agus socruithe leordhóthanacha i bhfeidhm ag RRManna chun **a áirithiú** go ndéanfar tuairisc**ciú pras ar** [...] fhaisnéis a cheanglaítear faoi Airteagal 8 [...].

Déanfaidh RRManna socruithe riaracháin éifeachtacha a fheidhmiú agus a choinneáil ar bun arb é is aidhm dóibh coinbhleachtaí leasa lena gcuid cliant a chosc. Go háirithe, maidir le RRM atá ina mhargadh eagraithe nó ina rannpháirtí sa mhargadh freisin, déanfaidh sé an fhaisnéis ar fad a bhaileofar a láimhseáil ar bhonn neamh-idirdhealaitheach agus déanfaidh sé socruithe iomchuí a fheidhmiú agus a choinneáil ar bun chun feidhmeanna éagsúla gnó a idirdhealú.

Beidh sásraí fóna slándála i bhfeidhm ag RRManna chun ráthaíocht a thabhairt maidir le slándáil agus fíordheimhniú na modhanna aistrithe faisnéise, chun an riosca maidir le truailliú sonraí agus rochtain neamhúdairithe a íoslaghdú agus chun sceitheadh faisnéise a chosc, agus rúndacht na sonraí á coinneáil ar bun i gcónaí. Déanfaidh RRM acmhainní leordhóthanacha a choinneáil ar bun agus beidh saoráidí cúltaca aige chun a sheirbhísí a thairiscint agus a choinneáil ar bun [...].

Beidh córais i bhfeidhm ag RRManna lenar féidir tuarascálacha idirbheart a sheiceáil go héifeachtach maidir le hiomláine, easnaimh agus earráidí soiléire arna ndéanamh ag an rannpháirtí sa mhargadh a shainaithint, agus, i gcás ina mbeidh earráid nó easnamh den sórt sin ann, sonraí faoin earráid nó easnamh a chur in iúl don rannpháirtí sa mhargadh agus iarraidh **a dhéanamh ar leagan ceartaithe de** [...] tuarascálacha **den chineál sin a fháil**.

Beidh córais i bhfeidhm ag RRManna chun gur féidir le RRM earráidí nó easnaimh arna ndéanamh ag an RRM féin a bhrath agus chun gur féidir le RRM tuarascálacha idirbheart chuig an nGníomhaireacht a cheartú agus a tharchur, nó a atarchur de réir mar is gá, nó iad a cheartú agus a chur i gcrích.

4. Féadfaidh an Ghníomhaireacht údarú RRM a tharraingt siar, **trí bhíthin cinnidh, agus é a bhaint den chlár**, sna cásanna seo a leanas mar a bhaineann sé le RRM:
- (a) ní bhaineann RRM úsáid as an údarú laistigh de 18 mí[...] nó níor chuir sé seirbhísí ar bith ar fáil le 18 mí roimhe sin;
 - (b) fuair RRM an t-údarú trí ráitis bhréige a dhéanamh nó ar aon mhodh neamhrialta eile;
 - (c) nach gcomhlíonann sé a thuilleadh **na ceanglais maidir le húdarú a leagtar amach i míreanna 1 agus 3** [...]; **nó**
 - (d) sháraigh RRM an Rialachán seo go tromchúiseach agus go córasach.

Déanfaidh an Ghníomhaireacht údarú RRM a tharraingt siar trí bhíthin cinnidh agus bainfidh sí den chlár é i gcás ina dtréigfidh an RRM an t-údarú go sainráite tríd an nGníomhaireacht a chur ar an eolas faoin méid sin.

5. **Tabharfaidh an Ghníomhaireacht RRM faoi réir aistarraingt fhéideartha a údaraithe, na ráthaíochtaí nós imeachta iomchuí, lena n-áirítear iad siúd dá dtagraítear in Airteagal 14(6) go (8) de Rialachán (AE) 2019/942.**

- 5a. **I gcás ina bhfuil** údarú [...] **tarraingthe siar ag an nGníomhaireacht**, áiritheoidh an RRM ionadú ordúil lena n-áirítear aistriú sonraí chuig RRManna eile agus atreorú sreafaí tuairiscithe chuig RRManna eile. **Chun leanúnachas a áirithiú, tabharfaidh an Ghníomhaireacht tréimhse ama réasúnta sé mhí ar a laghad don RRM chun an ionadú ordúil sin a áirithiú. Féadfaidh an Ghníomhaireacht tréimhse ama níos giorra a sholáthar, áfach, más rud é go bhféadfadh oibriú leanúnach an RRM oibriú ordúil an chórais a chur i mbaol, ag féachaint do thromchúis na bhfioras as ar eascair tarraingt siar údaraithe.**

Gan aon mhoill mhíchuí, déanfaidh an Ghníomhaireacht [...], an t-údarás **rialála** [...] náisiúnta sa Bhallstát ina bhfuil RRM bunaithe, **agus na rannpháirtithe sa mhargadh**, a chur ar an eolas **faoin** [...] gcinneadh údarú RRM a tharraingt siar.

6[...]. **Faoi [2 bhliain tar éis theacht i bhfeidhm an rialacháin leasaithe sin], glacfaidh an Coimisiún gníomhartha cur chun feidhme lena sonrófar an méid seo a leanas: [...]**

- (a) na modhanna ina bhféadfaidh RRM an oibleagáid maidir le faisnéis dá dtagraítear i mír 1 a chomhlíonadh; [...]
- (b) na ceanglais eagraíochtúla nithiúla le haghaidh chur chun feidhme mhíreanna 2 agus 3; [...]
- (c) **na mionsonraí maidir leis an bpróiseas chun údarú RRM dá dtagraítear i mír 4 a tharraingt siar,**
- (ca) **na coimircí nós imeachta dá dtagraítear i mír 5;**
- (cc) **na mionsonraí a bhaineann le próiseas an ionadaithe ordúil dá dtagraítear i mír 5a;**
- (d) **na socruithe mionsonraithe maidir le rannpháirtithe sa mhargadh a chur ar an eolas faoi chinneadh údarú RRM a tharraingt siar.**

Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 21(2).’;

[11] Leasaítear Airteagal 10 mar a leanas:

[a] cuirtear an méid seo a leanas in ionad mhír 1:

‘1. Bunóidh **an Ghníomhaireacht** [...] sásraí chun faisnéis a fhaigheann sé i gcomhréir le hAirteagal 7(1) agus le hAirteagal 8 a chomhroinnt leis an gCoimisiún, leis na húdaráis rialála náisiúnta, leis na húdaráis inniúla margaidh airgeadais, leis na húdaráis iomaíochta náisiúnta, le ESMA, **EUROFISC** agus le húdaráis ábhartha eile ar leibhéal an Aontais. Sula mbunófar sásraí den sórt sin, rachaidh **an Ghníomhaireacht** [...] i gcomhairle leis na húdaráis sin.’;

[b] cuirtear an mhír [...] seo a leanas isteach:

‘(1a) Bunóidh na húdaráis rialála náisiúnta sásraí chun faisnéis a fhaigheann siad i gcomhréir le hAirteagal 7(2) agus le hAirteagal 8 a chomhroinnt leis na húdaráis inniúla margaidh airgeadais, leis na húdaráis iomaíochta náisiúnta, leis na húdaráis náisiúnta cánach [...] agus le húdaráis ábhartha eile ar an leibhéal náisiúnta **mura bhfuil siad bunaithe cheana féin**. [...] **R**[...] achaidh an t-údarás rialála náisiúnta i gcomhairle leis an nGníomhaireacht agus leis **na húdaráis** sin [...] **maidir leis na sásraí sin. Eiseoidh an Gníomhaireacht, i gcás inarb iomchuí, treoirlínte neamhcheangailteacha chun éascaíocht a dhéanamh d’údaráis rialála náisiúnta bunú sásraí den sórt sin a bhunú**’;

[c] cuirtear an mhír [...] seo a leanas isteach:

‘2a. Ní thabharfaidh údaráis rialála náisiúnta rochtain ar na sásraí dá dtagraítear i mír 1a den Airteagal seo ach amháin d’údaráis a bhfuil córais curtha ar bun acu trína gcumasaítear don údarás rialála náisiúnta ceanglais Airteagal 12(1) a chomhlíonadh.’;

[13] Leasaítear Airteagal 12 mar a leanas:

[a] i mír 1, cuirtear an méid seo a leanas in ionad an dara fomhír:

‘An Coimisiún, údaráis rialála náisiúnta, údaráis airgeadais inniúla na mBallstát, údaráis chánach náisiúnta agus EUROFISC, údaráis iomaíochta náisiúnta, ESMA agus údaráis ábhartha eile, déanfaidh siad rúndacht, sláine agus cosaint na faisnéise **a** [...] fhaigheann siad de bhun Airteagal 4(2), Airteagal 7(2), Airteagal 8(5) nó Airteagal 10 a áirithiú, [...] déanfaidh siad bearta chun aon mhí-úsáid a dhéantar ar fhaisnéis den sórt sin a chosc, **agus áiritheoidh siad go gcomhlíonfar na** [...] dlíthe cosanta sonraí is infheidhme.’;

[b] cuirtear an méid seo a leanas in ionad na chéad fhomhíre i mír (2)

‘2. Faoi réir Airteagal 17, féadfaidh an Ghníomhaireacht [...] a chinneadh codanna den fhaisnéis atá ina seilbh a chur ar fáil go poiblí ar choinníoll nach ndéanfar faisnéis atá íogair ó thaobh na tráchtála de maidir le rannpháirtithe aonair margaidh nó maidir le hidirbhearta aonair nó maidir le hionaid mhargaidh aonair a nochtadh agus nach féidir an fhaisnéis sin a bhaint mar thátal as na codanna sin den fhaisnéis a chuirtear ar fáil go poiblí. Féadfaidh [...] an Ghníomhaireacht [...] faisnéis chomhiomlánaithe [...] maidir le hionaid mhargaidh eagraithe, IIPanna agus [...] RRManna a fhoilsiú i gcomhréir le [...] dlíthe um chosaint sonraí is infheidhme.’;

[14] Leasaítear Airteagal 13 mar a leanas:

[a] cuirtear an méid seo a leanas in ionad mhír 1:

‘1. Áiritheoidh údaráis rialála náisiúnta go ndéanfar na toirmisc a leagtar amach in Airteagail 3 agus 5 agus na hoibleagáidí a leagtar amach in Airteagail 4, 8, 9 agus 15 a chur i bhfeidhm.

Beidh údaráis rialála náisiúnta inniúil chun imscrúdú a dhéanamh ar na gníomhaíochtaí go léir a dhéantar ar a margaí mórdhíola fuinnimh náisiúnta agus chun an Rialachán seo a fhorfheidhmiú ina leith, gan beann ar an áit a bhfuil an rannpháirtí sa mhargadh a bhfuil na gníomhaíochtaí sin á ndéanamh aige cláraithe ná faoi oibleagáid a bheith cláraithe de bhun Airteagal 9(1) [...].

Áiritheoidh gach Ballstát go bhfuil na cumhachtaí imscrúdúcháin agus forfheidhmiúcháin is gá ag a údaráis rialála náisiúnta chun an fheidhm sin a fheidhmiú. Feidhmeofar na cumhachtaí sin ar bhealach comhréireach.

Féadfar na cumhachtaí sin a fheidhmiú:

- (a) go díreach;
- (b) i gcomhar le húdaráis eile; nó
- (c) trí iarratas a chur chuig na húdaráis bhreithiúnacha inniúla.

I gcás inarb iomchuí, féadfaidh na húdaráis rialála náisiúnta a gcumhachtaí imscrúdúcháin a fheidhmiú i gcomhar le margaí eagraithe, le córais mheaitseála trádála nó le daoine eile a shocraíonn nó a dhéanann idirbhearta go gairmiúil dá dtagraítear in Airteagal 8(4), pointe (d).’;

[b] cuirtear na míreanna [...] seo a leanas isteach:

‘3. Chun sáruithe ar fhorálacha an Rialacháin seo a chomhrac, chun tacú le gníomhaíochtaí forfheidhmiúcháin na n-údarás rialála náisiúnta agus iad a chomhlánú, agus chun rannchuidiú le cur i bhfeidhm aonfhoirmeach an Rialacháin seo ar fud an Aontais, féadfaidh an Ghníomhaireacht imscrúduithe a dhéanamh trí na cumhachtaí a thugtar di [...] le hAirteagail 13a agus 13b, agus i gcomhréir leo, a fheidhmiú.

3a. In am trátha sula bhfeidhmeoidh sí na cumhachtaí dá dtagraítear i mír 3 laistigh de dhlínse Ballstáit i gcás ina ndéantar na gníomhaíochtaí a bhfuil drochamhras réasúnach ar an nGníomhaireacht ina leith go bhfuil an Rialachán seo á shárú acu, cuirfidh an Ghníomhaireacht an méid sin in iúl don údarás rialála náisiúnta agus d’údaráis eile lena mbaineann sa Bhallstát sin. Féadfaidh an Ghníomhaireacht a cumhachtaí a fheidhmiú sa dlínse sin, ach amháin má dhéanann an t-údarás rialála náisiúnta agóid ar na forais seo a leanas:

- (a) go bhfuil imscrúdú oscailte go foirmiúil nó á dhéanamh aici ar na fíorais chéanna; nó**
- (b) go bhfuil imscrúdú déanta aici ar na fíorais chéanna agus gur chinn sí gurbh ann nó nárbh ann do shárú.**

Cuirfidh an t-údarás rialála náisiúnta an Ghníomhaireacht ar an eolas faoina agóid laistigh de 3 mhí. Sna cásanna sin, comhoibreoidh an t-údarás rialála náisiúnta leis an nGníomhaireacht, lena n-áirítear trí fhaisnéis agus torthaí a chomhroinnt atá ábhartha don Ghníomhaireacht chun a cumhachtaí faoi mhír 3 a fheidhmiú i ndlínsí ábhartha eile lena mbaineann.

4. Féadfaidh an Ghníomhaireacht a cumhachtaí a fheidhmiú chun a áirithiú go ndéanfar na toirmisc a leagtar amach in Airteagail 3 agus 5 [...] a chur i bhfeidhm sna cásanna seo a leanas:

- (a) má tá nó má bhí gníomhaíochtaí á ndéanamh ar tháirgí mórdhíola fuinnimh lena seachadadh i dtrí Bhallstát ar a laghad; nó
- (b) má tá nó má bhí gníomhaíochtaí á ndéanamh ar tháirgí mórdhíola fuinnimh lena seachadadh in dhá Bhallstát ar a laghad agus má tá duine amháin ar a laghad de na daoine nádúrtha nó dlítheanacha atá ag déanamh na ngníomhaíochtaí sin ina chónaí nó bunaithe **i mBallstát eile nó i dtríú tír agus go bhfuil sé faoi oibleagáid a bheith cláraithe** [...] de bhun Airteagal 9(1); nó
- (c) Mura [...] ndéanann an t-údarás rialála náisiúnta inniúil, gan dochar do na maoluithe dá dtagraítear in Airteagal 16(5), na bearta is gá láithreach chun an iarraidh ón nGníomhaireacht dá dtagraítear in Airteagal 16(4)(b) a chomhlíonadh **i gcásanna a mbíonn tionchar trasteorann acu.** [...]
- (d) [...] **gan dochar do mhír 3a, iarrann an t-údarás rialála náisiúnta inniúil ar an nGníomhaireacht a cumhachtaí a fheidhmiú maidir le gníomhartha a bhfuil tionchar trasteorann acu.**

4a. Féadfaidh an Ghníomhaireacht a cumhachtaí a fheidhmiú chun a áirithiú go gcomhlíonfar na hoibleagáidí a leagtar amach in Airteagal 4 i gcás inar dócha go ndéanfaidh an fhaisnéis ábhartha mar a shainítear in Airteagal 2(1) den Rialachán seo difear mór do phraghsanna táirgí mórdhíola fuinnimh lena seachadadh i dtrí Bhallstát ar a laghad.

4b. Féadfaidh an Ghníomhaireacht a cumhachtaí a fheidhmiú chun a áirithiú go ndéanfar na hoibleagáidí a leagtar amach in Airteagal 8 a chur i bhfeidhm sna cásanna seo a leanas:

(a) déanann sárú amhrasta difear d'fhaireachán ar ghníomhaíocht trádála na Gníomhaireachta dá dtagraítear in Airteagal 7 i dtáirgí mórdhíola fuinnimh i dtrí Bhallstát ar a laghad; nó

(b) déanann sárú amhrasta difear do cháilíocht na comhroinnte faisnéise dá dtagraítear in Airteagal 10 i dtrí Bhallstát ar a laghad.

5. Féadfaidh an Ghníomhaireacht a cumhachtaí a fheidhmiú chun a áirithiú go gcomhlíonfar na hoibleagáidí a leagtar amach in Airteagal 15 i gcás ina bhfuil na daoine ag socrú nó ag déanamh idirbheart go gairmiúil maidir le táirgí mórdhíola fuinnimh lena seachadadh i dtrí Bhallstát ar a laghad.

6. [...]

7. Tar éis don Ghníomhaireacht a gníomhaíochtaí a rinneadh chun a cumhachtaí a fheidhmiú de bhun mhíreanna 4, **4a, 4b agus 5** a thabhairt chun críche, déanfaidh an Ghníomhaireacht tuarascáil **imscrúdúcháin** a tharraingt suas **ina leagfar amach cinntí na Gníomhaireachta. Áireofar sa tuarascáil imscrúdúcháin freisin an fhianaise uile ar ar bunaíodh na cinntí.** [...] Má **mheasann** [...] an Ghníomhaireacht **sa tuarascáil imscrúdúcháin** gur tharla sárú ar an Rialachán seo, cuirfidh sí údaráis rialála náisiúnta an Bhallstáit nó na mBallstát lena mbaineann ar an eolas dá réir agus éileoidh sí go ndéanfaidh **siad na bearta is gá, de réir mar is iomchuí** [...] i gcomhréir le hAirteagal[...] 18 san áireamh. **Sa tuarascáil imscrúdúcháin** féadfaidh[...] an Ghníomhaireacht **freisin** obair leantach áirithe a mholadh do na húdaráis rialála náisiúnta ábhartha, agus, i gcás inar gá, an Coimisiún a chur ar an eolas. **Laistigh de 3 mhí tar éis dóibh an tuarascáil imscrúdúcháin a fháil, cuirfidh na húdaráis rialála ábhartha in iúl don Ghníomhaireacht agus, i gcás inar gá, don Choimisiún cé na bearta a mheasann siad is gá a dhéanamh.**’;

[15] Cuirtear na hairteagail [...] seo a leanas isteach:

‘Airteagal 13a

Cigireachtaí ar an láthair a dhéanann an Ghníomhaireacht

1. Ullmhóidh agus déanfaidh an Ghníomhaireacht cigireachtaí ar an láthair i ndlúthchomhar **agus i gcomhordú** le húdaráis inniúla an Bhallstáit lena mbaineann.

2. Chun a oibleagáidí faoi **Airteagal 13(4), (4a), (4b) agus (5)** a chomhlíonadh [...], féadfaidh an Gníomhaireacht gach cigireacht ar an láthair is gá a dhéanamh ar [...]áitreabh ar leis na daoine atá faoi réir an imscrúdaithe é **ina bhféadfadh taifid ghnó a bheith á gcoinneáil**. Féadfaidh an Gníomhaireacht an chigireacht ar an láthair sin a dhéanamh gan fógra a thabhairt roimh ré **do na daoine atá faoi réir an imscrúdaithe**, más gá sin ar mhaithe leis an gcigireacht a dhéanamh go cuí agus go héifeachtúil.
3. [...] **A mhéid is gá le haghaidh na cigireachta, tá sé de chumhacht ag oifigigh na Gníomhaireachta agus ag daoine eile arna n-údarú ag an nGníomhaireacht chun cigireacht ar an láthair a dhéanamh an méid seo a leanas a dhéanamh:**
- (a) dul isteach in áitreabh na ndaoine lena mbaineann atá faoi réir cinneadh maidir le himscrúdú arna ghlacadh ag an nGníomhaireacht de bhun mhír 6;**
 - (b) scrúdú a dhéanamh ar na leabhair agus ar na taifid eile a bhaineann leis an ngnó, gan beann ar an meán ar a stóráiltear iad;**
 - (c) cóipeanna de na leabhair nó na taifid sin nó sleachta astu a thógáil nó a fháil i bhfoirm ar bith;**
 - (d) aon áitreabh gnó agus leabhair agus taifid a shéalú don tréimhse agus a mhéid atá riachtanach le haghaidh na cigireachta. ach amháin i gcásanna cuí-réasúnaithe, ní ghreamófar séalaí ar feadh tréimhse is faide ná 72 uair an chloig;**
 - (e) a iarraidh ar aon ionadaí nó ar aon bhall foirne de chuid na ndaoine atá faoi réir imscrúdú mínithe a thabhairt ar fhíorais nó ar dhoiciméid a bhaineann le hábhar agus le cuspóir an iniúchta agus na freagraí a thaifeadadh.**

- 3a. Má tá amhras réasúnta ann go bhfuil taifid ghnó a bhaineann le hábhar cigireachta a d'fhéadfadh a bheith ábhartha chun sárú ar an Rialachán seo a chruthú á gcoinneáil in áitreabh príobháideach stiúrthóirí, bainisteoirí agus ball foirne eile de chuid gnóthas lena mbaineann imscrúdú, féadfaidh an Ghníomhaireacht, trí chinneadh, cigireacht a dhéanamh san áitreabh príobháideach sin. Sna cásanna sin, luafar freisin sa chinneadh dá dtagraítear i mír 6 na cúiseanna a thug ar an nGníomhaireacht a chinneadh go bhfuil amhras ann dá dtagraítear sa chéad abairt den mhír seo.**
4. [...]
5. Oifigigh na Gníomhaireachta agus daoine eile a bheidh údaraithe ag an nGníomhaireacht le cigireacht ar an láthair a dhéanamh, déanfaidh siad a gcumhachtaí a fheidhmiú ar údarú i scríbhinn a sholáthar ina sonraítear ábhar agus cuspóir na cigireachta.
6. Na daoine dá dtagraítear san Airteagal seo, géillfidh siad do chigireachtaí ar an láthair arna n-ordú le cinneadh a ghlacfaidh an Ghníomhaireacht. **Tabharfar** [...] sa chinneadh ábhar agus cuspóir na cigireachta, an dáta a bheidh sé le tosú, na réitigh dhlí atá ar fáil faoi Rialachán (AE) 2019/942 chomh maith leis an gceart an cinneadh a chur faoi bhráid na Cúirte Breithiúnais lena athbhreithniú. Rachaidh an Ghníomhaireacht i gcomhairle le húdarás rialála náisiúnta an Bhallstáit ina bhfuil an chigireacht le déanamh sula nglacfar an cinneadh sin.

7. Arna iarraidh sin ag an nGníomhaireacht, déanfaidh oifigigh údarás rialála náisiúnta an Bhallstáit ina bhfuil an chigireacht le déanamh, chomh maith leis na daoine sin arna n-údarú nó arna gceapadh ag údarás inniúil an Bhallstáit sin, cúnamh gníomhach a thabhairt d'oifigigh na Gníomhaireachta agus do dhaoine eile arna n-údarú ag an nGníomhaireacht. Chuige sin, **beidh** [...] na cumhachtaí a leagtar amach san Airteagal seo acu. Féadfaidh oifigigh de chuid an údaráis rialála náisiúnta freastal ar an gcigireacht ar an láthair freisin arna iarraidh sin dóibh.
8. I gcás ina gcinnfidh oifigigh na Gníomhaireachta, chomh maith leo siúd a bheidh údaraithe nó ceaptha ag an nGníomhaireacht, go bhfuil duine ag cur i gcoinne cigireacht a ordáiodh de bhun an Airteagail seo, cuirfidh údarás rialála náisiúnta an Bhallstáit lena mbaineann an cúnamh is gá **ar fáil** [...] dóibh, nó d'údaráis rialála náisiúnta ábhartha eile, agus iarrfaidh sé, i gcás inarb iomchuí, cúnamh na bpóilíní nó cúnamh údaráis choibhéisigh forfheidhmiúcháin, ionas go mbeidh siad in ann a gcigireacht ar an láthair a dhéanamh.
9. Más rud é, maidir leis an gcigireacht ar an láthair dá bhforáiltear i mír 1 nó maidir leis an gcúnamh dá bhforáiltear i míreanna 7 agus 8, go gceanglaítear údarú a fháil ó údarás breithiúnach de réir an dlí náisiúnta is infheidhme, déanfaidh an Gníomhaireacht iarratas freisin ar an údarú sin. Féadfaidh an Gníomhaireacht iarratas a dhéanamh ar an údarú sin freisin mar bheart réamhchúraim. **Sna cásanna dá dtagraítear i mír 3a, ní fhéadfar cigireacht ar an láthair a dhéanamh gan údarú a fháil roimh ré ó údarás breithiúnach.**
10. I gcás ina ndéanfaidh an Gníomhaireacht iarratas ar údarú dá dtagraítear i mír 9, fíoróidh an t-údarás breithiúnach náisiúnta an méid seo a leanas:
- (a) go bhfuil cinneadh na Gníomhaireachta barántúil; agus
 - (b) go bhfuil aon bheart atá le déanamh comhréireach agus nach bhfuil sé treallach ná iomarcach i bhfianaise ábhar na cigireachta.

Chun críocha phointe (b) den chéad fhomhír, féadfaidh an t-údarás breithiúnach náisiúnta a iarraidh ar an nGníomhaireacht mínithe mionsonraithe a thabhairt, go háirithe maidir leis na forais atá ag an nGníomhaireacht chun drochamhras a bheith uirthi go ndearnadh sárú dá dtagraítear in Airteagal 13(3), maidir le tromchúis an tsáraithe a bhfuil amhras ann ina leith agus maidir le cineál rannpháirtíocht an duine atá faoi réir an imscrúdaithe. De mhaolú ar Airteagal 28 de Rialachán (AE) 2019/942, ní bheidh cinneadh na Gníomhaireachta faoi réir a athbhreithnithe ach amháin ag an gCúirt Bhreithiúnais.

Airteagal 13b

Iarraidh ar fhaisnéis

1. Arna iarraidh sin don Gníomhaireacht cuirfidh aon **duine nádúrtha nó dlítheanach** an fhaisnéis ar fáil di is gá chun oibleagáidí na Gníomhaireachta **in Airteagal 13(4), (4a), (4b) agus (5)** [...] a chomhlíonadh. Ina iarraidh, déanfaidh an Gníomhaireacht an méid seo a leanas:
 - (a) tagairt a dhéanamh don Airteagal seo mar bhunús dlí leis an iarraidh;
 - (b) cuspóir na hiarrata a lua;
 - (c) sonrú a thabhairt maidir leis an bhfaisnéis a éilítear, agus an fhormáid sonraí atá le húsáid;
 - (d) teorainn ama a shocrú a bheidh comhréireach leis an iarraidh, ar teorainn í nach mór an fhaisnéis a chur ar fáil laistigh di;
 - (e) a chur in iúl don duine nach mbeidh an freagra ar an iarraidh ar fhaisnéis mícheart ná míthreorach.

2. Chun críche iarrataí ar fhaisnéise dá dtagraítear i mír 1, beidh an chumhacht ag an nGníomhaireacht cinntí a eisiúint. Sa chinneadh sin, léireoidh an Ghníomhaireacht, de bhreis ar na ceanglais i mír 1, an ceart chun achomharc a dhéanamh i gcoinne an chinnidh os comhair Bhord Achomhairc na Gníomhaireachta agus an cinneadh a chur faoi bhráid na Cúirte Breithiúnais lena athbhreithniú i gcomhréir le hAirteagail 28 agus 29 de Rialachán (AE) 2019/942.
3. Soláthróidh na daoine dá dtagraítear i mír 1 nó a n-ionadaithe an fhaisnéis a iarrtar. Beidh na daoine go hiomlán freagrach as an bhfaisnéis a sholáthraítear a bheith iomlán, ceart agus gan a bheith míthreorach.
4. I gcás ina gcinnfidh oifigigh na Gníomhaireachta, chomh maith leo siúd a bheidh údaraithe nó ceaptha ag an nGníomhaireacht, go ndiúltaíonn duine an fhaisnéis a iarradh a sholáthar, cuirfidh údarás rialála náisiúnta an Bhallstáit lena mbaineann an cúnamh is gá **ar fáil** [...] **don Ghníomhaireacht** [...] , nó d'údaráis rialála náisiúnta ábhartha eile, chun comhlíonadh na hoibleagáide dá dtagraítear i mír 3 a áirithiú, lena n-áirítear é sin a dhéanamh trí **fhíneálacha** [...] a fhorchur i gcomhréir leis an dlí náisiúnta is infheidhme.
5. I gcás ina gcinnfidh oifigigh na Gníomhaireachta, chomh maith leo siúd a bheidh údaraithe nó ceaptha ag an nGníomhaireacht, go ndiúltaíonn duine an fhaisnéis a iarradh a sholáthar, féadfaidh an Ghníomhaireacht teacht ar chonclúidí ar bhonn na faisnéise atá ar fáil.
6. Seolfaidh an Ghníomhaireacht, gan mhoill, cóip den iarraidh de bhun mhír 1 nó den chinneadh de bhun mhír 2 chuig údaráis rialála náisiúnta an Bhallstáit lena mbaineann.

Airteagal 13c

Ráthaíochtaí nós imeachta

1. Déanfaidh an Ghníomhaireacht cigireachtaí **agus agallaimh** ar an láthair agus iarrfaidh sí faisnéis agus lánurraim á tabhairt do ráthaíochtaí nós imeachta **na ndaoine atá faoi réir a himscrúdaithe** [...], lena n-áirítear:
 - (a) an ceart gan ráitis fhéin-ionchoiritheacha a dhéanamh;
 - (b) an ceart chun cúnamh a fháil ó dhuine dá rogha féin;
 - (c) an ceart chun aon cheann de theangacha oifigiúla an Bhallstáit ina ndéantar an chigireacht ar an láthair a úsáid;
 - (d) an ceart barúil a thabhairt ar fhíorais a bhaineann leo **sula nglacfar an tuarascáil imscrúdúcháin i gcomhréir le hAirteagal 13(7); Beidh achoimre ar na fíorais a bhaineann leis an duine i dtrácht san áireamh sa chuireadh chun barúlacha a chur in iúl agus léireofar inti teorainn ama leordhóthanach chun barúlacha a thíolacadh. I gcásanna cuí-réasúnaithe inar gá rúndacht na cigireachta nó imscrúdaithe riaracháin nó choiriúil atá ar siúl nó a bheidh ar siúl amach anseo arna dhéanamh ag údarás náisiúnta a chaomhnú, féadfaidh an Ghníomhaireacht cinneadh a dhéanamh an cuireadh chun barúlacha a chur siar;**
 - (e) an ceart chun cóip de thaifead an agallaimh a fháil agus é a fhormheas nó barúlacha a chur leis;
2. Lorgóidh an Ghníomhaireacht fianaise ar son agus i gcoinne **na ndaoine atá faoi réir a himscrúdaithe** [...], agus déanfaidh sí cigireachtaí ar an láthair agus iarrfaidh sí faisnéis go hoibiachtúil agus go neamhchlaonta agus i gcomhréir le prionsabal thoimhde na neamhchiontachta.
3. Déanfaidh an Ghníomhaireacht cigireachtaí **agus agallaimh** ar an láthair agus iarrfaidh sí faisnéis agus lánurraim á tabhairt don rúndacht is infheidhme agus do rialacha an Aontais um chosaint sonraí.

Airteagal 13d

Cúnamh frithpháirteach

1. Chun a áirithiú go gcomhlíonfar na ceanglais ábhartha a leagtar amach in **Airteagail 13 agus 13a go 13c** [...], tabharfaidh na húdaráis inniúla náisiúnta agus an Ghníomhaireacht cúnamh dá chéile **le linn imscrúdú.**’;

[15] Leasaítear Airteagal 15 mar a leanas:

‘Airteagal 15

Oibleagáidí daoine a shocraíonn nó a dhéanann idirbhearta go gairmiúil

1. Aon duine a shocraíonn [...] idirbhearta i dtáirgí mórdhíola fuinnimh agus a bhfuil amhras réasúnach air go bhféadfadh ordú chun trádáil nó idirbheart, lena n-áirítear aon chealú nó modhnú air, Airteagail 3, 4 nó 5 a shárú, tabharfaidh sé fógra don Ghníomhaireacht agus don údarás rialála náisiúnta ábhartha gan tuilleadh moille.
2. **Aon duine a dhéanann idirbhearta faoi Airteagal 16 de Rialachán (AE) Uimh. 596/2014, a bhfuil idirbhearta á ndéanamh aige[...] go comhuaineach i dtáirgí mórdhíola fuinnimh nach ionstraimí airgeadais iad, agus a bhfuil amhras réasúnach air go bhféadfadh ordú chun trádáil nó idirbheart, lena n-áirítear aon chealú nó modhnú air, Airteagail 3, 4 nó 5 a shárú, tabharfaidh sé fógra don Ghníomhaireacht agus don údarás rialála náisiúnta ábhartha gan tuilleadh moille.**
3. [...] **Déanfaidh na daoine dá dtagraítear i míreanna 1 agus 2** socruithe agus nósanna imeachta éifeachtacha a bhunú agus a choinneáil ar bun chun an méid seo a leanas a dhéanamh:
 - (a) sáruithe **féideartha** ar Airteagail 3, 4 nó 5 a shainaithint;
 - (b) a ráthú nach mbeidh aon choinbhleacht leasa i gceist lena bhfostaithe a dhéanann gníomhaíochtaí faireachais chun críoch an Airteagail seo agus go ngníomhóidh siad ar bhealach neamhspleách.’;

[16] Leasaítear Airteagal 16 mar a leanas:

[a] i mír 1, cuirtear an méid seo a leanas in ionad an cheathrú fomhír:

‘Féadfaidh údaráis rialála náisiúnta, údaráis airgeadais inniúla, an t-údarás iomaíochta náisiúnta agus an t-údarás náisiúnta cánach i mBallstát cineálacha iomchuí comhair a bhunú chun imscrúdú éifeachtach agus éifeachtúil agus forfheidhmiú éifeachtach agus éifeachtúil a áirithiú, agus chun rannchuidiú le cur chuige comhordaithe agus comhsheasmhach i leith imscrúdúcháin, imeachtaí breithiúnacha agus fhorfheidhmiú an Rialacháin seo agus an dlí ábhartha airgeadais agus iomaíochta.’;

[b] i mír 2, cuirtear an fhomhír [...] seo a leanas léi:

[...] Sula ndéanfaidh siad cinneadh [...] a ghlacadh maidir le sárú ar an Rialachán seo, [...] féadfaidh na húdaráis rialála náisiúnta an Ghníomhaireacht a chur ar an eolas agus achoimre ar an gcás agus ar an gcinneadh atá beartaithe a chur ar fáil di. **Tar éis cinneadh a ghlacadh maidir le sárú ar an Rialachán seo, cuirfidh an t-údarás rialála náisiúnta an cinneadh sin ar fáil don Ghníomhaireacht, lena n-áirítear faisnéis maidir lena dháta, ainm na ndaoine atá faoi smachtbhannaí, an tAirteagal den Rialacháin seo a sáraíodh agus an smachtbhanna a cuireadh i bhfeidhm. Ag an am céanna, cuirfidh an t-údarás rialála náisiúnta in iúl don Ghníomhaireacht cén fhaisnéis atá nochtta aige don phobal dá dtagraítear in Airteagal 18(3) agus cuirfidh sé an Ghníomhaireacht ar an eolas go pras faoi aon athruithe a dhéanfar ar an bhfaisnéis sin ina dhiaidh sin.** Coinneoidh an Ghníomhaireacht liosta poiblí [...] **d’fhaisnéis atá nochtta ag na húdaráis rialála náisiúnta don phobal dá dtagraítear in Airteagal 18(3).** [...]

[c] i mír 3, cuirtear isteach an pointe [...] seo a leanas:

‘(e) cuirfidh an Ghníomhaireacht agus na húdaráis rialála náisiúnta na húdaráis inniúla chánach náisiúnta agus EUROFISC ar an eolas i gcás ina bhfuil forais réasúnacha acu chun droch-amhras a bheith orthu go bhfuil gníomhartha á ndéanamh, nó déanta, ar an margadh mórdhíola fuinnimh ar dócha gur calaois chánach iad.’;

[16] Cuirtear na hAirteagail [...] seo a leanas isteach:

‘Airteagal 16a

Cúraimí agus freagrachtaí a tharmligean **idir údaráis rialála náisiúnta**

1. Féadfaidh údaráis rialála náisiúnta, le toiliú an toscaire, cúraimí agus freagrachtaí a tharmligean chuig údaráis rialála náisiúnta eile faoi réir na gcoinníollacha a leagtar amach san Airteagal seo. Féadfaidh na Ballstáit socruithe sonracha a leagan amach maidir le tarmligean freagrachtaí nach mór a chomhlíonadh sula ndéanfaidh a n-údaráis rialála náisiúnta comhaontuithe den sórt sin maidir le tarmligean agus féadfaidh siad raon feidhme an tarmligin a theorannú do na nithe is gá chun maoirseacht éifeachtach a dhéanamh ar rannpháirtithe sa mhargadh nó ar ghrúpaí.
2. Cuirfidh na húdaráis rialála náisiúnta an Ghníomhaireacht ar an eolas faoi chomhaontuithe a bheartaíonn siad a dhéanamh maidir le tarmligean. Tabharfaidh siad éifeacht do na comhaontuithe mí amháin, ar a luaithe, tar éis an Ghníomhaireacht a chur ar an eolas.
3. Féadfaidh an Ghníomhaireacht tuairim a thabhairt maidir leis an gcomhaontú maidir le tarmligean atá beartaithe laistigh de mhí amháin tar éis í a bheith curtha ar an eolas.
4. Lena áirithiú go gcuirfear na páirtithe go léir lena mbaineann ar an eolas go hiomchuí, déanfaidh an Ghníomhaireacht aon chomhaontú maidir le tarmligean arna thabhairt i gcrích ag na húdaráis rialála náisiúnta a fhoilsiú ar mhodh iomchuí.

Airteagal 16b

Treoirlínte agus moltaí

1. D'fhonn cleachtais mhaoirseachta atá comhsheasmhach, éifeachtúil agus éifeachtach a bhunú laistigh den Aontas, agus chun a áirithiú go gcuirfear dlí an Aontais i bhfeidhm ar shlí choiteann, aonfhoirmeach agus chomhsheasmhach, eiseoidh an Ghníomhaireacht treoirlínte agus moltaí **neamhcheangailteacha** a dhíreofar ar na húdaráis rialála náisiúnta uile nó ar na rannpháirtithe uile sa mhargadh agus eiseoidh sí moltaí chuig údarás rialála náisiúnta amháin nó níos mó nó chuig rannpháirtí sa mhargadh amháin nó níos mó maidir le cur i bhfeidhm Airteagail 4a, 8 agus 9a.
2. I gcás inarb iomchuí seolfaidh an Ghníomhaireacht comhairliúcháin phoiblí maidir leis na treoirlínte agus na moltaí a eisíonn sí agus déanfaidh sí anailís ar na costais agus ar na tairbhí a d'fhéadfadh a bheith ag baint leis na treoirlínte agus na moltaí sin a eisiúint. Beidh na comhairliúcháin agus na hanailísí sin comhréireach maidir le raon feidhme, cineál agus tionchar na dtreoirlínte nó na moltaí.
3. **Tabharfaidh** na húdaráis rialála náisiúnta agus na rannpháirtithe sa mhargadh **aird chuí** [...] ar na treoirlínte agus na moltaí sin.

[...]

[...]

4[...]. Tabharfaidh an Ghníomhaireacht na treoirlínte agus na moltaí san áireamh a d’eisigh sí sa tuarascáil dá dtagraítear in Airteagal 19(1)(k) de Rialachán (AE) 2019/942.’;

[18] in Airteagal 17, cuirtear an méid seo a leanas in ionad mhír 3:

‘3. Ní fhéadfar faisnéis rúnda a fhaigheann na daoine dá dtagraítear i mír 2 i gcúrsa a gcuid dualgas a nochtadh d’aon duine eile ná d’aon údarás eile, seachas i bhfoirm achomair nó i bhfoirm chomhiomlán ionas nach féidir rannpháirtí aonair sa mhargadh a shainaithint, ach sin gan dochar do chásanna a chumhdaítear leis an dlí coiriúil, le forálacha eile an Rialacháin seo nó le reachtaíocht ábhartha eile de chuid an Aontais.’;

[19] Cuirtear an méid seo a leanas in ionad Airteagal 18:

‘Airteagal 18

Pionóis

‘1. Leagfaidh na Ballstáit síos na rialacha a bhaineann leis na pionóis is infheidhme maidir le sáruithe ar an Rialachán seo agus déanfaidh siad gach beart is gá lena áirithiú go gcuirfear chun feidhme iad. Ní mór na pionóis dá bhforáiltear a bheith éifeachtach, athchomhairleach agus comhréireach, agus cineál, fad agus tromchúis an tsáraithe, an damáiste a rinneadh do thomhaltóirí agus na gnóthachain ionchasacha ó thrádáil ar bhonn faisnéis ón taobh istigh agus ar bhonn cúbláil mhargaidh á léiriú acu.

Gan dochar d'aon phionós coiriúil agus **gan dochar do** chumhacht maoirseachta na n-údarás rialála náisiúnta faoi Airteagal 13, déanfaidh na Ballstáit foráil, i gcomhréir leis an dlí náisiúnta, go dtabharfar de chumhacht d'údaráis rialála náisiúnta **fineálacha** [...] riaracháin iomchuí agus bearta riaracháin eile a ghlacadh i ndáil le sáruithe ar an Rialachán seo dá dtagraítear in Airteagal 13(1).

Tabharfaidh na Ballstáit fógra mionsonraithe don Choimisiún agus don Ghníomhaireacht faoi na forálacha sin, agus tabharfaidh siad fógra dóibh gan mhoill faoi aon leasú ina dhiaidh sin a dhéanfaidh difear dóibh.

I gcás nach bhforáiltear i gcóras dlí an Bhallstáit d'fhineálacha riaracháin, féadfar an tAirteagal seo a chur i bhfeidhm sa chaoi is go ndéanfaidh an t-údarás inniúil an nós imeacht fineála a thionscnamh agus go ndéanfaidh na cúirteanna náisiúnta inniúla é a fhorchur, agus é á áirithiú acu go mbeidh na leigheasanna dlí sin éifeachtach agus go mbeidh éifeacht choibhéiseach acu ar na fineálacha riaracháin a fhorchuirfidh na húdaráis mhaoirseachta. In aon chás, beidh na fineálacha a fhorchuirtear éifeachtach, comhréireach agus athchomhairleach. Tabharfaidh na Ballstáit sin fógra don Choimisiún faoi fhorálacha a ndlíthe féin a ghlacann siad de bhun na míre seo faoi [24 mhí tar éis a dteacht i bhfeidhm] agus, tabharfaidh siad fógra freisin gan mhoill faoi aon dlí leasaitheach nó aon leasú a dhéanfar ina dhiaidh sin lena ndéanfar difear do na forálacha sin.

[...]

2. Áiritheoidh na Ballstáit, i gcomhréir leis an dlí náisiúnta, agus leis an bprionsabal *ne bis in idem*, go mbeidh sé de chumhacht ag na húdaráis rialála náisiúnta na smachtbhannaí riaracháin agus na bearta riaracháin seo a leanas ar a laghad a fhorchur maidir le sáruithe ar fhorálacha an Rialacháin seo:

- (a) cinneadh a ghlacadh gur gá don duine deireadh a chur leis an sárú;
- (b) forghéilleadh na mbrabús a gnóthaíodh nó na gcaillteanas a seachnaíodh mar gheall ar an sárú, a mhéid agus is féidir iad sin a chinneadh;
- (c) foláirimh phoiblí nó fógraí poiblí a eisiúint;

- (d) cinneadh a ghlacadh lena bhforchuirtear íocaíochtaí pionósacha tréimhsiúla;
- (e) cinneadh a ghlacadh lena bhforchuirtear **fineálacha** riaracháin [...];

maidir le daoine dlítheanacha, **fineálacha** [...] riaracháin uasta den mhéid seo a leanas ar a laghad:

- i. 15 % den láimhdeachas iomlán sa bhliain ghnó roimhe sin i gcás sáruithe ar Airteagail 3 agus 5;
- ii. 2 % den láimhdeachas iomlán sa bhliain ghnó roimhe sin i gcás sáruithe ar Airteagail 4 agus 15;
- iii. 1 % den láimhdeachas iomlán sa bhliain ghnó roimhe sin i gcás sáruithe ar Airteagail 8 agus 9.

maidir le daoine nádúrtha, **fineálacha** [...] riaracháin uasta den mhéid seo a leanas ar a laghad:

- i. EUR 5 000 000 i gcás sáruithe ar Airteagail 3 agus 5;
- ii. EUR 1 000 000 i gcás sáruithe ar Airteagail 4 agus 15;
- iii. EUR 500 000 i gcás sáruithe ar Airteagail 8 agus 9.

D'ainneoin mhír (e), ní bheidh méid na fineála níos mó ná 20 % de láimhdeachas bliantúil an duine dhlítheanaigh lena mbaineann sa bhliain ghnó roimhe sin. I gcás daoine nádúrtha, ní bheidh méid na fineála níos mó ná 20 % den ioncam bliantúil sa bhliain féilire roimhe sin. I gcás inar bhain an duine tairbhe airgeadais as an sárú go díreach nó go hindíreach, beidh méid na fineála cothrom leis an tairbhe sin ar a laghad.

3. Áiritheoidh na Ballstáit go bhféadfaidh an t-údarás rialála náisiúnta bearta nó pionóis a fhorchuirtear mar gheall ar shárú ar an Rialachán seo a nochtadh don phobal, mura rud é go mbeadh an nochtadh sin ina chúis le damáiste míréireach do na páirtithe atá i gceist.’;

3a. Áiritheoidh na Ballstáit agus cinneadh á dhéanamh acu faoin gcineál agus leibhéal
fineálacha riaracháin agus faoi bhearta riaracháin eile, go gcuirfidh údaráis rialála náisiúnta
gach cúinse ábhartha san áireamh, lena n-áirítear i gcás inarb iomchuí:

- (a) tromchúis agus fad an tsáraithe;**
- (b) leibhéal freagrachta an duine atá freagrach as an sárú;**
- (c) láidreacht airgeadais an duine atá freagrach as an sárú, arna léiriú, mar shampla, le láimhdeachas iomlán an duine dhlítheanaigh nó le hioncam bliantúil an duine nádúrtha;**
- (d) tábhacht na mbrabús a ghnóthaigh an duine atá freagrach as an sárú, nó tábhacht na gcaillteanas a sheachain an duine atá freagrach as an sárú, a mhéid is féidir iad a chinneadh;**
- (e) leibhéal comhoibrithe an duine atá freagrach as an sárú leis an údarás inniúil, gan dochar don ghá aisíoc na mbrabús a ghnóthaigh an duine sin, nó aisíoc na gcaillteanas a sheachain sé, a áirithiú;**
- (f) sáruithe roimhe sin a rinne an duine atá freagrach as an sárú; agus**
- (g) bearta arna nglacadh ag an duine atá freagrach as an sárú chun a áirithiú nach dtarlaíonn an sárú sin arís;**
- (h) imeachtaí coiriúla agus riaracháin a dhúbailt agus fineálacha i leith an tsáraithe chéanna i gcoinne an duine atá freagrach.**

3b. I bhfeidhmiú a gcumhachtaí fineálacha riaracháin agus bearta riaracháin eile a fhorchur faoin dara fomhír de mhír 1, oibreoidh na húdaráis rialála náisiúnta i ndlúthchomhar lena áirithiú go mbeidh feidhmiú na gcumhachtaí maoirseachta agus imscrúdaitheacha agus na fineálacha riaracháin a fhorchuirtear agus na bearta riaracháin eile a dhéanfaidh siad éifeachtach agus iomchuí faoin Rialachán seo. Comhordóidh siad a ngníomhaíochtaí, i gcomhréir le hAirteagal 16(2), chun dúbailt agus forluí a a sheachaint nuair a bhíonn a gcumhachtaí maoirseachta agus imscrúdaitheacha á bhfeidhmiú acu agus nuair a bhíonn fineálacha riaracháin á bhforchur acu i leith cásanna trasteorann.

Airteagal 2

Leasuithe ar Rialachán (AE) 2019/942

Leasaítear Rialachán (AE) 2019/942 mar a leanas:

[...]

[2] in Airteagal 12, cuirtear an méid seo a leanas in ionad phointe (c):

‘(c) Imscrúduithe a shaothrú agus a chomhordú de bhun Airteagail 13, 13a agus 13b agus Airteagal 16 de Rialachán (AE) Uimh. 1227/2011’.

[2a] in Airteagal 12, cuirtear isteach an pointe seo a leanas:

‘(d) IIPanna agus RRManna a údarú agus a mhaoirsiú de bhun Airteagail 4a agus 9a de Rialachán (AE) Uimh. 1227/2011.’

[3] in Airteagal 32, cuirtear an méid seo a leanas in ionad mhír 1:

‘1. Beidh táillí dlite **don Gníomhaireacht** [...] as faisnéis arna tuairisciú ag rannpháirtithe sa mhargadh nó ag eintitis a thuairiscíonn thar a gceann de bhun Airteagal 8 de Rialachán (AE) Uimh. 1227/2011 a bhailiú, a láimhseáil, a phróiseáil agus a anailísiú agus as faisnéis ón taobh istigh a nochtadh de bhun Airteagail 4 agus 4a de Rialachán (AE) Uimh. 1227/2011. Íocfaidh sásraí tuairiscithe cláraithe agus ardáin faisnéise ón taobh istigh na táillí. Féadfaidh ioncaim ó na táillí sin costais **na Gníomhaireachta** [...] a chumhdach freisin as na cumhachtaí maoirseachta agus imscrúdaithe a fheidhmiú de bhun Airteagail 13, 13a, 13b agus Airteagal 16 de Rialachán (AE) Uimh. 1227/2011.’.

[...]

[...]

[...]

*Airteagal **3** [...]*
Teacht i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm ag Airteagail 4a, 9a agus 8(1a) le héifeacht ó 6 mhí tar éis an dáta a ghlacfaidh an Coimisiún na gníomhartha cur chun feidhme ábhartha dá dtagraítear sna hAirteagail sin.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh in Strasbourg,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán
